

# Yakuwa-Yireh 3

Grass Valley, California, USA  
Julaayi 07, 1962

## 1 Weebale nnyo Ow'oluganda Borders.

Musobola okutuula. Okubeerako n'okussa ekimu n'Ow'oluganda Harrel, ssentebe w'olukiiko, n'okuzuula nti ye muminsani, era mu ngeri emu tulina ebintu bye tufaanaganya. Agenda kuddayo kati mu Gold Coast, Africa. Era nange nduubirira okubeerawo omwaka guno. Twali tugezaako okubaako kye tukwatagana ku ky'okukyalira waggulu ku Gold Coast oluvannyuma lw'okuva e South Afrika.

Y'eyo gye twalina, kye ndowooza, ezimu ku nkunjaana ezikyasinzee obunene, mu nnaku zange, mu South Africa, bwe twalaba bannansi enkumi satu abakkiriza Kristo mu mulundi gumu. Amiina. Baabasaba bamenye ebifaananyi byabwe ku ttaka, okulaga ddala nti baali bakitegeeza. Ne bamenya ebifaananyi byabwe, ng'omuyaga gw'enfuufu ogujja, ne bakkiriza Kristo ng'Omulokozi waabwe, mu lukunjaana olumu. Baali balina okugoberera okulungi eyo, kale bo —baabakwata.

2 Abantu abakyasinzee obungi abaali bazze okulokoka be nzijjukira, Mukama beyatuwa, baali... Baali eyo mu Buyindi, gye twalina emitwalo ataano mu lukunjaana lumu. Naye eyo twali -twali tetusobola kuteebereza; okusinziira ku kiki kye twali tusobola okulaba, baali bajjudde buli wamu. Era bonna bakkiriza Kristo ng'Omulokozi, naye nga tewali kintu kimu kye baali bagenda kugoberera. Kale n'olwekyo, ddala, aba—Abashia baatwala ebyabwe, Abajayina ne batwala ebyabwe, n'ebirala. Ntebereza abasinga baddayo, bwe baalaba ekintu Mukama ky'akola n'afulumyayo.

Obuweereza bwange Mukama bwe yampa, mu America tebukola nnyo njawulo, abantu b'Abapentekooti bokka. Amakanisa g'Amerika agasinga obungi makanisa agalina amagezi amangi, era bakkiriza kiyiye. Era awo we babeera, tosobola kukibasegulako.

Naye bw'okwata omuntu mu buzaaliranwa bwe n'ogezaako okubaako ky'omubuulira ku kiyiye, nga n'okumanya tamanyi oba kkono ne ddyo ali ludda ki. Kigasa ki okumuwa akapapula akaliko Enjiri? Alina okubaako ky'alaba. Era bw'akiraba, olwo n'amatzibwa. Era alaba omusamize we ng'ayimuka n'akisomooza, era olabe Omwoyo Omutukuvu wansi awo wennyini. Yee. Olwo ekyo — ekyo kikiraga, ani Katonda, n'oluvannyuma ekyo ne kikitereza.

Era bwentyo nsanyuse nnyo okusisinkana Ow'oluganda Harrel! Nali ... Twali twogera ku bannansi ba Africa. Yali ayogera ku kuwa obuyambi omu kuba Ow'oluganda T. L. Osborn.

3 Bangi ku mmwe mumanyi Ow'oluganda Osborn, nteebereza. Oh, oyo muweereza wa Kristo ow'omuwendo, Ow'oluganda Osborn. Y'omu ku mikwano gyange egy'omu kifuba. Mazima ddala nnina ekitiibwa ekinene mu mutima gwange eri Ow'oluganda Osborn, omuminsani omukulu bw'atyo. Eri aba ... Nzikiriza nti akoze bingi ku nnimiro z'obuminsani okusinga omuntu yenna ku nsi leero, gwe mmanyi, ye — ye Ow'oluganda Osborn. Muwoomu nnyo, mulenzi mulungi, era mazima ddala njagala nnyo Ow'oluganda ne Mwannyinaffe Osborn.

4 Banjambye nti Maama Arganbright ali mu lukunjaana ekiro kyaleero. Onneekwese, Maama Arganbright? Mazima nsiima ebibala byo ebirungi. Era tekyewuunyisa nti mukyala omutono omulungi, ava mu kitundu kino eky'eggwanga wano. Bulijjo abeera ayogera ku Grass Valley. Bameka abamanyi Mwami ne Mukyala Arganbright, awo mu Grass Valley? Wamma, ekyo kirungi. Oli ludda wa, Maama Arganbright? Sikulabye mu bbanga ddene bwe lityo, waseerera ... Wuuyo awo. Yee. Muwe omukisa omutima gwe. Awaka we maka gange ag'okubiri, omukyala ow'ekitalo wano wennyini okuva mu Grass Valley. Era bulijjo abadde n'omugugu eri abantu bano. Era maama Arganbright, bwe kiba nga kino kye kiro kyo ekisoose wano, nabadde bweru mu nsiko nga nsaba leero nga okyalidde omukyala nabo. Era nsonyiwa nti saabaddewo e waka okukulaba, n'okusisinkana mukwano gwo.

5 Naye nja kugamba nti ndabye ekintu ekigenda mu maaso mu bantu bo wano kye sirabangako mu kibuga kyonna eky'Amerika wonna. Ndabye Abakristaayo nga bakitegeera nti bakyamu, eri Ekigambo kya Katonda, ne bayimirira ne basaba okusaasirwa. Yee. Ekyo kiwulikika gyendi nti okudda obuggya kuyinza okubalukawo wano. Kyandibadde kya kitalo nnyo. Wadde nbuulidde okwetoolola ensi yonna, n'okusingira ddala mu Amerika, sirabangako, ebibinja by'Abakristaayo, Ekigambo bwe kyaleetebwa wansi, okulaga Ekigambo, ne basituka ne bagamba (baajulira) baali bakyamu. Si ekyo kyokka, wabula n'abaweereza nabo. Kati, obwo bwesimbu. Ekyo nkyagala.

6 Mwannyinaze Arganbright, nga bwe bakuyimiriza, njenda kuswaza mukyala wange. Ye muntu asingayo obutiitiizi mu nsi yonna. Naye atudde wano ekiro kino. Mukwano, nzikiriza nti kino ojja kunneesasuzo, naye njenda kusaba mukyala wange asituke. Omukazi asinga okuba omulungi mu nsi yonna, gyendi. [Ekibiina kikuba mu ngalo — Omuk.]

Muwala wange, muwala wange, muwala wange omukulu, Rebekah. Kati, mukwano, nkimanyi nti oyokeddwa omusana, naye, era, njagala oyimirire. Kirungi nnyo, Lebbeeka. Oyo ye muwala wange, Lebbeeka. [Ekibiina kikuba mu ngalo — Ed.] Weebale. Weebale.

Ow'oluganda Jewel Rose, bameka abamumanyi? Ekiro kimu yaleeta mukyala wange okujja ku kaddaala we nnali, nga twamaze dda okutandika . Alabika okuba nga yazirika. Amwebalama bwe balami buli wamu waumulaba. Ava mu kkubo lye, kubanga atya nti agenda kuddamu okumuyita ku kadaala nate.

Nnamugamba nti, "Ekiro kimu njenda kukuyimusa oyogereko gyetuli akaseera katono."

Yagamba nti, "Tegeke akalabo k'amazzi, kubanga njenda kuzirika."

Muntu wa mukwano nnyo, mukyala wange. Bwe wabaawo ekitiibwa kyonna ekiyinda okuweebwa famire ya Branham, kigende gy'ali. Ye muntu eyayimirira wakati wange n'abantu bonna. Era ebintu byonna ebikoleddwa obulungi, yaabikoze.

7 Nsubira nti buli muvubuka wano, bw'anaafumbirwa, ajja kufuna omukyala, era mujja kubeera wamu nga musanyufu nga mukyala nange nnina emyaka gino abiri mu ebiri gye tumaze mu bufumbo.

"Afunye omukazi, afuna ekintu ekirungi." Nga Sulemaani bwe yagamba nti, "Omukazi omulungi kiba jjinja lya muwendo mu ngule y'omusajja. Atali mutuukirivu mazzi mu musaayi gwe." Era omusaayi gwe bwe bulamu bwe. Kale, atali mutuukirivu kye kintu ekisinga obubi ky'ayinza okubanyakyo. Era omutuukirivu kye kintu ekisinga obulungi ky'ayinza okukwata, ebweru w'obulokozi. Singa Katonda yali asobola okuwa omusajja ekintu ekisinga omukyala, yandikimuwadde, 'kubanga Katonda abaana be abawa buwi ebintu ebirungi. Era Yamuwa omukyala, era nkyebaza.

Era okulaba abakazi, nga bwe nnali nsala ekiro kya luli, n'Ebyawandiikibwa mu ngeri abakyala bano aba Pentekooti gye bambalamu, enfaanana y'eviiri zaabwe, n'enneeyisa. Ogamba nti, "Ekyo tekikola njawulo yonna." Mazima kigikola!

8 Njagala okubaako kye mbabuuza. Ow'oluganda Harrel ali wano, omuminsani.

E Durban, South Africa, waaliwo abakazi abaali batudde awo nga bali bukunya nga bwe bajja mu nsi; tebabangako na musono gumu ogw'engoye, nga mu maaso gaabwe waliwo akakete akatono kokka, akali mu yinki nga nnya, oba mukaaga. Era nga bayimiridde awo nga bali bukunya nga bwe baali, era nga bayimiridde ku ttaka oluvannyuma lw'ekyamagero kino ekinene eky'amagero okubaawo ku kadaala. Era mwalimu mu kibinja ekyo, waali kumpi emitwalo kkumi egy'Abamohammed (mu kiseera ekimu) abakkiriza Kristo mu lukunjaana olwo lwe lumu. Era awo munda eyo nga ... Abakazi bano, nga bayimiridde n'abasajja bano, ne bakkiriza Kristo.

Era Ow'oluganda Bosworth n'agamba nti, "Ow'oluganda Branham, nzikiriza nti olina okuddamu okukuba omulanga ogwo. Nzikiriza nti baali bategeeza kuwona 'mu mubiri'."

9 Ne njamba nti, mazima ddala, abavvuunuzi ab'enjawulo kkumi na bataano. Omanyi, kyetaagisa ... Olina okuwandiika by'oyogedde, mu budde ... Ogamba nti, "Yesu Kristo, Omwana wa Katonda, yajja okulokola aboononyi." Era omu ajja kugamba "blu, blu, blu, blu," ate ono agenda "niki, niki, niki, niki," oyo ye "Yesu Kristo, Omwana wa Katonda."

Omanyi, nze—nawuliranga abantu nga boogera mu nnimi, era ne ndowooza nti, "Owange, ekyo tekiyinda kuba kituufu." Naye Baibuli yagamba nti, "Tewali ddooboozi eritaliiko makulu." Tewali. Ekyo bwe nnakiwulira, abamu bawuuma ng'ebinyonyi, abalala bawuuma ng'ebiwuka, ne buli kimu. Naye kitegeeza amakulu gye bali, singa buli ddooboozi lyalina amakulu.

10 Era bwe kyayitamu nate, era ne njamba nti, "Kale, olwo abo kati abamanyi ddala nti si kuwonya 'mu mubiri', kwe kukkiriza Kristo ng'Omulozi, kufuna Eggulu lyogendamu, okkiririza mu Mwana wa Katonda, mukkirize Ye ng'Omulozi wo ggwe omuntu, menya ebifaananyi byo ku ttaka!" Ne babisuula wansi. Era ne njamba nti, "Awo wennyini kati, yimusa emikono gyo eri Katonda oyo, Omutendereze. Ajja kukuwa Omwoyo Omutukuvu!"

Era bwe nnali nnyimiridde ku ttaka eryo, ne ndaba abakazi abaali obwereere; era amangu ddala nga Kristo yabakuba, ne batambula okuva ku ttaka eryo nga bakutte emikono gyabwe. Era bwe waddamu okubalaba, baali bambadde engoye.

Kati, bw'aba Kristo Yafuula omukazi omukaafiiri (ali obwereere) okukimanya nti mukyamu, okubeera obwereere, kyokka ate abakyala abeeyita Abakristaayo nga buli mwaka beeyongera kweyambula, sisobola kukitegeera. Waliwo ekikyamu awantu awamu.

Omukaafiiri omubisi, ng'ayimiridde awo, yazaalibwa mu nsi eno era nga tamanyangako nti ali bukunya, takimanyi nti ali bwereere. Naye leka Kristo ajje mu maaso ge, akitegeera nti ali bukunya, okutuusa lw'agezaako okwebikka nga bw'asobola, okuzinga emikono n'atambula. Nga wayise ennaku bbiri oba ssatu, ojja kuddamu okumusanga, ayambadde.

Kati waliwo ekikyamu awantu awamu, era nkakasa nti tekiri ku Kristo. Oh, ndowooza Ekigambo kituukiridde!

11 Nze njagala nnyo olugendo lwa Ibulayimu. Mmwe temulwagala? [Ekibiina kigamba nti, "Amiina." — Omuk.] Nkiruddeko nnyo, kansuubire nti ntuuka ku Yakuwayire olwaleero. Nnatandika ku ky'okuyigako, ebiro bisatu oba bina emabega, kyokka sinnakituukako.

Naye omwaka gumu awaka nnakwata essomo, nga mbuulira ku Yobu. Kale, kumpi okumala ng'omwaka mulamba nnali mu Kitabo kya Yobu, buli Ssande n'oLwokusatu, ku Yobu. Era okukkakkana nga mmutuusizza okutuusa lwe yatuula ku ntuumu y'evvu. Nnemubeerako awo okumala wiiki satu ku nya. Era omu — mwannyinaffe omu ow'omuwendo eyalina obuvumu obumala okumpandikira, yagamba nti, "Ow'oluganda Branham, ddi lw'ogenda okuggya Yobu ku ntuumu y'evvu?"

Kale, ndowooza mwewuunya ddi lwe njenda okutuusa Ibulayimu okulaba Yakuwa-Jireh.

12 Naye mbadde n'ensonga. Ibulayimu ... Oba, Yobu ng'atudde awo ku ntuumu y'evvu, Eriku ng'ayogera: Katonda ng'ageza omutukuvu. Byonna nnabiyingiza, okutuusa lwe natuuka mu kifo we nnali nsobola okukuba essasi ery'okutta, buli kimu nakitegeka. Awo Mukama n'akka wansi mu kibuyaga, n'okumyansa ne kutandika okwaka, n'okubwatuka ne kuwuma. Omwoyo wa Katonda n'ajja ku nnabbi, n'ayimirira ku bigere bye, n'agamba nti, "Nkimanyi nti Omununuzi wange mulamu;" laba "Omununuzi." "Era mu nnaku ez'enkomerero aliyimirira ku nsi. Era newankubadde nga envunyu ez'olususu zimaze okusaanyaawo omubiri guno, naye mu mubiri gwange ndiraba Katonda; Oyo gwe ndiraba nzekka, amaaso gange ge galimulaba, so si mulala." Oh, nga ssomo ly'amaanyi awo! Okuvuga ekyo okuyingira, kyatwala akaseera okulaba ng'abantu bonna babeera mu mbeera, Omwoyo mu butuufu, olwo n'akivuga. Era awo ekyoto ne kijjura ennyiriri ne kijjula abantu, nga beenenya.

13 Awo wennyini ng'olunnamiziddwa Omwoyo, ggwe twala obudde bwo okutuusa lw'obulirayo. Ggwe togezaako, ojja kukuba waggulu nnyo oba okukuba awagazi ennyo, oba ekintu kyonna. Ka tugifuule zero, Baibuli! Nzikiriza nti Katonda ayagala tugwere munda. Omwoyo Omutukuvu yamalawo abatume, oba baamalibwaawo n'Omwoyo Omutukuvu, manyanga. Era nzikiriza nti tusobola okukola ekintu kye kimu, nga tuyita mu Kigambo kye kimu. Kikubye ekiruubirirwa! Era bwe kiba nga kya kubako olumu, wakati wennyini, tekisobola kuddamu okukuba nate! Naye olina okuggwera munda! Ggwe Kakasa nti okyassa, osika, buli kimu kiri bulungi. Nkuba amasasi mu bifo eby'enjawulo; Nkimanyi bwe kibeera, ogalamira awantu awatuufu, n'emmundu esobola okusona.

14 Olunaku lumu, nnazaayo ekika kya nsanvu mu ttaano mu kkolero lya Winchester. Era saasobola kugifuula ekuba waggulu wa yinki nga ssatu ... oba ekitundu kya yinki, ku yaadi amakumi ataano. Era Ekkolero lya Winchester lyagikomyawo gyendi, ne bagamba nti, "Omawule Branham, emmundu eyo yakolebwa ku —okugatta ekibinja ky'amasasi ataano, mu yinki emu ku yaadi abiri mu ttaano." Kati eryo ly'ekkolero eryagikola. Nze nkimanyi bulala. Nnavuga buvuzi, ku layini, wennyini, butereevu mwenda, ku buuma bwe bbali, ku yaadi ataano, nayo. Awo nnamanya nti nnali nteredde bulungi nayo. Kale nnasigala ngizannyisa, ngizannyisa, okutuusa bwe nnaddamu okuvuga okudda nayo nate.

Kati, ekintu kye kimu kiri ku Kigambo kya Katonda. Ebintu ebyo abatume abo bye baakola, ebintu ebyo Kristo bye yasubiza, tulina okubuliramamu n'Ekigambo, n'Omwoyo. Bwe kiba nga kyakikola omulundi gumu, kijja kuddamu okukikola, kubanga Ye Katonda. Era Katonda ye Kigambo, era tayinza kulemererwa.

15 Singa ezimu enkalubo, emmundu bw'oba togikutte kuginyweza mu mukono gw'emaaso, ng'ereberamukko oba ng'oginywezeza nnyo, ekintu kyonna ekigisiba, osobola okuteeka obuzito bw'olugalo lwo ku mundu, era (okugikuba obulungi) obuzito bw'olugalo lwo busobola okugisuula eri. Buli kimu kyonna olina okuba ng'okiterezeza bulungi.

Eyo y'engeri gy'olina okukola mu Bukristaayo, okufuula Ekigambo, okukifuula okweyoleka n'okukola obulungi, ggwe kennyini n'Ekigambo era ne Katonda, kiteekwa okuba ekituukiridde, olwo kijja kukola kye kirina okukola. Kiteekeddwa okuba! Kale n'olwekyo, mu kubuulira, olina okuwulira Omwoyo mu butuufu, olwo n'obulirayo; okutuusa lwe kigenda, kijja kuvuga okutuuka ku kyoyagala.

16 Awo abantu abatudde awo, emirundi mingi abantu bagamba nti, "Ow'oluganda Branham, siwulira ku nkunjaana zo."

Sirina bifo nga ab'oluganda abalala bwe balina we bategeereza ebigena mu maaso. Balina obutabo bw'amawulire, balina —balina leediyo, ttivvi. Nze mpitamu buyisi nga ngezaako okukiikirira Mukama waffe Yesu. Abantu bakiraba, bakikiriza, ne bawona. Katonda akimanyi, ekyo kyokka kye kyetaagisa. Olaba? Tetukola, tetuli ... Tewagenda kubaawo byafaayo biwandiikiddwa. Ekyo tokyeraliikirira. Tewagenda kubaawo budde bwa kuwandiika byafaayo. Nzikiriza nti Yesu ajja. Ekyo, nkikiriza. Era njagala okubeera leero nga gyoli ajja leero oba enkya. Si masomero manene ag'amaanyi, n'ebirala. Lwaki tukola ebintu ebyo, ate oluvannyuma ne tubuulira nti Yesu ajja? Lwaki, ebikolwa byaffe bennyini bituvumirira. Ekyo kituufu. Yesu ajja, tubeere, ekanisa mugitegeke olw'ekyo! Ka twetegeke. Oh, nga mmwagala nnyo!

17 Katukoteke emitwe gyaffe kati olw'ekigambo ky'okusaba. Oh, nga njagala nnyo okulaba abantu nga bakotese emitwe gyabwe mu ngeri ey'ekitiibwa. Kati ka tusirike okumala akaseera katono, era tusome.

Kati twagala okutwala obudde bwaffe. Enkya Ssande, ssabbiiti, ssabbiiti y'Abakristaayo. Era saagala kulwawo ku ssomero lya Ssande, wadde nga tetwagala kwanguyira na bintu bino.

Lowooza kati, "Mukama, okwegomba kwange okuli mu mutima gwange ekiro kino kukwatagana n'Okwagala Kwo?" Bwe kiba bwe kityo, olwo kirowoozeeko. Olwo bw'okirowozaako, okwegomba kwo, n'okikebera ne nteekateeka ya Katonda. Bwe kiba nga kirabika nga kituufu nnyo ne nteekateeka ya Katonda, olwo njagala oyimuse omukono gwo eri Katonda, era ogambe nti, "Katonda, nzijukira, kino kye nneetaaga." Kati lowoozeza ddala nnyo. Katonda akuwe omukisa. Kirungi. Mukama abawe omukisa. Ekyo kirungi. Sigala ng'owanise omukono gwo. Byonna abiraba. Amanyi ebintu byonna. Ekyo kirungi. Katonda akuwe omukisa. Amiina. Mukama abawe omukisa. Ekyo kirungi. Sigala ng'olowooza, ng'owanise omukono gwo. Kati buli mukono ngutunuulira nga bwe gugenda waggulu. Kaale. Ekyo kirungi.

18 Kitaffe ow'omu ggulu, kati tuzze, nga tusemberera nate mu Linya eryo erimala byonna erya Mukama waffe Yesu, okutuuka ku Nnamulondo ey'Ekisa. Nga omutontomi bwe yagamba nti, "Ntwala ku Nnamulondo ey'Ekisa, n'fune okusumululwa okulungi." Era, Katonda, emitima gyabwe gizitoowereddwa ekintu ekimu. Era bakkirize kati, ku Nnamulondo ey'Ekisa, bafune obuweerero Katonda bw'abasumululira, Omusawo omukulu, n'okukkiriza olw'ebyo bye beetaaga.

Nange emikono gyange gyombi giri waggulu. Nnina ebyetaago. Nzijukira Mukama.

Jjukira abantu bano bonna abakiikiriddwa obutambaala bunu obuli wano. Oh, obujulizi bwe buyingiddewo olw'ebintu bino. Okussaamu ekitiibwa. Wala eri okuyita ku busozi bw'omusenya bunu wano, awant awamu, bamaama abalwadde, bataata, abaana abato, abantu abali mu ddwaliro, nnamukadde taata omuzibe w'amaaso atudde eri emabega mu kasenge n'akago akeeru mu mukono gwe, alindiridde okukomawo kw'obutambaala bunu. Katonda, beera musaasizi. Kkiriza, Mukama, buli gwe kateekebwako, omulabe abulwe amaanyi ge ne mbavu ye, leka bawone. Wano waliwo ekimu ekyawandiikibwa emitala wano, "kookolo." Sitaani oyo abasumulule, Mukama. Omwoyo Omutukuvu, nga Katonda bw'atunula wansi okuyita mu Musaayi gw'Omwana we yennyini eyafa olw'ekigendererwa kino, okutangirira okunene kubeere kumala ekiro kino, era okukkiriza kukulukuta nnyo ku bo, era ... oba mu bungi, balyoke bafune okuwonyezebwa kwabwe . Kituwe Mukama.

19 Wa Omukisa Ekigambo Kyo kati. Yamba omuweereza Wo, tufukeeko amafuta olw'obuweereza. Buli mutima oguwulira gufukireko amafuta. Era tugenda kwogera bwogezi kaakano, Kitaffe. Ggwe tubuulira eky'okwogera, era otugambe n'eky'okukola. Tusubira nti Ggwe ojja kubeera naffe mu lukiiko.

Weebale ennyimba ennungi ekiro kino, ennyimba ezo ennungi. Omuvubuka ono emabega wano, Ow'oluganda Heimer, yaakayimba oluyimba olwo olw'ekitalo, Omuggaliraaya. Omugenyi oyo Omugaliraaya atambule ayingirewo kati ekiro kino. Leka tuwulire eddobozi Lye nga ligamba obwongo obutabuddwa, nga bwe Yakola amazzi agatabuse nti, "Mirembe, teeka mukakkamu." Era leka buli mutima ogutabuse guwone. Tukisaba mu Linya lya Yesu. Amiina.

*Ekifo n'akituuma erinnya Yakuwa Yire: nga bwe kyawandiikibwa nti Ku lusozzi lwa Mukama kirirabibwa.*

20 Kati twagala okutandika n'omuntu ono omukulu. Era enkya ... Kati, Mukama bw'anaaba ayagadde, tugenda kugezaako okutuuka ku nkomerero ku bikwata ku Ibulayimu ekiro kino. Era enkya, oboolyawo eky'okuyigako ku kuwonyezebwa okw'Obwakatonda.

Mukama abadde mulungi gye tuli wano. Tubadde tuwulira obujulizi ku bintu ebibaddewo. Era nsanyuse nnyo! Era twabadde n'ekiro kimu, layini y'okusabira enzijuju, oba okubayita. Era tewaabaddewo munafu gwe twalabye mu kizimbe, obugaali bw'abalema, buli wamu, bwaviiriddwamu, abantu ne baambula, okugenda.

Era kati buli kiro Omwoyo Omutukuvu ayingidde mu Kubeerawo Kwe okw'ekitiibwa, okw'ekitiibwa, era afulumye okuyita mu kibiina, nga yerangirira, nti Ali wano. Olwo, tusaanidde okumukkiriza. Laba, Ayagala Omukkirize. Ekitiibwa ekisinga obukulu ky'oyinza okuwa Katonda kwe kumukkiriza. Olina okukkiriza. "Ajja eri Katonda alina okukkiriza nti ali." Era kati Mukkirize!

21 Era nga bwe ntwala Ibulayimu, olugendo, lwa kuba nti nfuba okuzimba okukkiriza olw'entikko ennene, okuleka abantu okulaba kye bali.

Obwo bwe buzibu. Nsanga ebika by'abantu bibiri, nga ntambula. Ekimu ku byo kya pentekooti, ekirala ky'abo abagoberera amateeka. Kati, abagoberera amateeka bamanyi ekifo kyabwe we kiri, kiki kye bali, naye tebakirinaamu kukkiriza. Abapentekooti balina okukkiriza, naye tebamanyi beebani. Kati, kiringa omusajja alina ssente mu bbanka, naye nga tamanyi kuwandiika ceeke; ate omulala asobola okuwandiika ceeke, kyokka nga talina ssente mu bbanka. Singa oyinza okubateeka awamu, waliwo ekyandibaddewo. Singa okwata okukkiriza kwa Pentekooti n'enjigiriza z'amateeka, singa oli...oba n'okwata enjigiriza z'amateeka n'okukkiriza kw'apentekooti, wabaawo ekintu ekigenda okutuukawo. Ekyo kituufu.

22 Kaakati, nga nmandiyagadde okuwa wano obujulizi, bwe nnalaba, essomero ly'Abaluzerani, ebikumi bina nga bafuna Okubatizibwa kw'Omwoyo Omutukuvu nga njogera nabo ku Ye. Oh, abaffe, kyali kifaananyi kya kitiibwa okulaba, okubategeeza ekyo. Si, 'kubanga Baluzerani, mbu tebabalibwa.

Ssirina kintu kyonna kibi ku Baluzerani, Baputisiti, Mesodisiti, kyonna ky'oli, Mukatuliki. Ebintu ebyo sibiwakanya. Nze abantu abo sibawakanya. Enkola ezaabakwata, zenjogerako. Abantu ssekinoomu sibalinaako nsonga yonna, bonna bantu Kristo be yafiirira, Bakatuliki, Bayudaaya, kyonna kye bayinza okuba. Wabula enkola. Okufaananako n'Abamohammed, Abashiya, Abajayina, oba kyonna ekiyinda okuba, y'enkola. Buddha nkola, olaba. Si bantu a—abasinza Buddha; y'enkola ebasikambula.

23 Ekyo ky'ekintu kye kimu. Yesu teyavumirira bantu. Yabafiirira. Naye enkola ezo ezaali zimukuumira ewala, nga zikumira abantu wala okuva Wali. Ekyo ky'ekintu kati.

Kati nalowooza, mu kutwala Ibulayimu, nga nkimanyi nti yali Ibulayimu ekisuubizo gwe kyaweebwa, n'Ezzadde Iya Ibulayimu oluvannyuma lwe. Kati ka tuddeyo katono emabega tulabe gye byava, era tujje ekiro kino buterevu ku kyokuyigako kati okumala akaseera katono.

Era kaadi z'okusaba zijja kuweebwa omuntu yenna ayagala okusabirwa. Era ffe, bw'otobifuna byonna ekiro kino, tujja kubifuna enkya. Era omuntu yenna ayagala okusabirwa alina okuba ne kaadi y'okusabirwa. Era beera wano ku ssaawa emu n'ekitundu enkya, okunona kaadi yo ey'okusaba, kubanga awo we twagairla okutandika olukungaana olwo. Era tujja kusabira buli muntu alina kaadi y'okusaba enkya. Tubadde tugezaako, okuyita mu kiro, okufuna abatalina kaadi za kusaba, olwo abalina kaadi z'okusaba basobole okufuna enkizo okubeera mu layini y'okusaba. Era abalala bayitibwa ebweru awo, nga tebalina kaadi za kusaba. Ekyo kifuna byombi, enjuyi zombi. Kaadi y'okusaba terina kyetegeeza. Naye omuntu omuwa kaadi y'okusaba, waliwo ebitundu nga amakumi ana ku buli kikumi abawonerawo mu kiseera ekyo, ggwe alowooza nti ayita mu layini; ekintu ky'asobola okukwata, ekintu ky'asobola okutunuulira, oba ekintu kyonna. Era omu—omulenzi ajja kuba agaba kaadi z'okusabirwa enkya ku ssaawa emu n'ekitundu, basobole okubeera nga tebaliiwo ku ssaawa bbiri, bwe batyo ebinaakolebwa mu lunaku olusigaddeyo basobole okubibeeramu.

24 Era ggwe ayagala ekifaananyi, ekitabo oba akatambi, birina okufunibwa ekiro kino. Tewali kutunda ku Ssande; ekyo tetukikiriza, okuzitunda. Tussa ekitiibwa mu Ssande, tetutunda n'akatono ku Ssande. Era ebitabo bino n'ebintu, si kintu gyendi, bitabo abantu bye bawandiise ku buweereza bwange. Ebifaananyi ekibiina ekigatta abakubi b'ebifaananyi mu Amerika kye kyakubye ekifaananyi kino, era nga kya Douglas Studio, nga kya copyright. Ekitabo kino kya Ow'oluganda Gordon Lindsay ne Chaplain Julius Stadskev. Tubigula ne tubireeta mu lukunjaana, ne tubitunda kumpi ze twabiguze, ne tufiirwa. Era bulijjo tugamba kino, bwe kiba nga waliwo ... Njambye abantu abatunda ebitabo nti, "Omusajja oba omukazi bw'ajja waggulu eyo, omwavu, atalina ssente kugula kitabo ekyo; kimuwe buwi, mu ngeri yonna. Era tujja ... Nja kulaba nga kirabirirwa." Era bw'oba ofunye ekitabo era nga tekisaanira kye kiteekeddwa okuba, kikomyewo. Tewali wadde ne kimu kinaakomezebwaawo ne batakuddiza sente zo, olaba. Kintu kyokka okuyamba okukkiriza kwo. Ekyo kyokka kye tugezaako okukikola, oba si ekyo tetwandikkirizza kubeera wano. Ekyo kituufu ddala. Kale kati ekiro kino, jjukira, bajja kuba ku kifo we bateeka ebitabo. Mukwano gwange omulungi, Mwami ne Mukyala Wood. Kale singa mbadde n'obudde okubabuulira obujulizi bwabwe, ku ngeri mutabani waabwe gye yawonyezebwamu poliyo. Era ebintu ebirala bingi —bibaddewo, eby'abantu abali wano mu lukunjaana.

25 Kati ka tugende emabega wa Ibulayimu. Okusooka, Katonda yasisinkana Ibulayimu, awatali bukwakkulizo, endagaano gye yakola ne Ibulayimu. Si kintu kyonna n'akatono; Ibulayimu teyalina kya kukola okuggyako okukkiriza Katonda. Endagaano yali ya kisa kyokka, era nga tewali bukwakkulizo. Si "bw'oba oyagala." Katonda yagamba nti, "Nnina!" Era kati buli musajja ...

Jjukira nti Ezzadde Iya Ibulayimu lyonna erijja eri Katonda, lijja mu ngeri y'emu. Si kintu kyonna kye wandisobodde okukola! Toyinza kwelokola nga bwotosobola kukwata buguwa bwo obw'engato n'obuuka ku mwezi. Tosobola kwerekola. Tewali muntu yenna yali annoonyeza Katonda; Katonda yaanoonya omuntu. Yesu yagamba nti: "Temunnondangako, Nze nnabalonda."

26 Ekisooka, kati, oyinza okufuluma wano n'ogamba embizzi nti nkyamu, okulya kasasiro? Ejja kukugamba offe ku bikukwatako. Naye kijja kwetaagisa kutwala kintu ekiyinda okukyusa obutonde bwayo, okugireetera okukimanya nti nkyamu. Waliwo ekintu ekirina okutuuka ku mbizzi, okusooka.

Eyo y'ensonga lwaki abeeyita Abakristaayo emirundi mingi beevulunga mu bitoomi, ne badda mu kibi, kiri nti ... Osobola okunaaza embizzi, n'ogisiiga langi ku njala, n'ogiddaabiriza emimwa'. Ekyo, ekyo kikyamu, kyonna kye kiri. Okusiiga langi ku mimwa, si bwe kiri, oba ekintu ekirala? Nkiraba ekyo, ebintu ebyo byonna, bitabuletabelle. Nye, era mu kimanyi kye ki. Oddira embizzi enkadde n'ogiteekako langi ku mimwa, omanyi, n'ogikolako buli kintu kyonna, era ejja kuddayo buterevu mu kwewulungula mu bitoomi nate. Lwaaki? Ekisookera ddala, yo mbizzi. Engeri yokka gy'ogenda okugifuulamu eyenjawulo, kwe kukyusa obutonde bwayo.

Eyo y'engeri yokka omusajja oba omukazi gy'ayinza okutereera ne Katonda, kwe kukyusa obutonde, okuyonja, okufa eri ekibi ky'omuntu omukadde, n'okuddamu okuzaalibwa Omwoyo wa Katonda. Era, kwe kugamba, Kristo ye Mwoyo wa Katonda, era Kristo ye Kigambo. Olwo n'ewa obujulirwa n'Ekigambo. Eyo y'engeri yokka gye bajja okukikola.

27 Kati, Ibulayimu yali anoonya Ekibuga Omuzimbi n'Omutonzi waakyo ye Katonda. Era leero tuli balamazi, bagenyi, nga tunoonya Ekibuga Omuzimbi era Omuzimbi waakyo ye Katonda. Laba! Ibulayimu, nga tannamanya, waliwo ekintu ekiringa obuzaale mu ye, nti yatunuulira Ekibuga.

Leero, nga mpita wansi n'omukyala, nnali ngamba nti, "Ekifo ekitono ekirabika obulungi wano nga kitudde ku lusozi, mpozzi emyaka ebikumi bisatu egiyise; kibira ekirungi, emiti eminene emiwanvu. Omuntu yayingirayo, ne bagitema, ne bonoona ensulo. Kyandibadde kifo kirungi nnyo okubeera wano." Yee, naye laba, yazimba amayumba. Olwo ne batandika okweyongera. Ekibi n'effujjo bitandika okuyingira. Hollywood yasenguka okumpi naye, n'agireeta mu firimu, ku ttivvi. Okujjako ... Era kati kibuga kicaafu, kyonoonyi, buli kibuga!

Era mazima ddala, ng'abantu, ekintu ekiri mu bo kyagala nnyo okubeera awamu, ne baliraanwa, n'okubeera abatuukirivu. Mazima ddala waliwo Ekibuga awalala! Okukoowoola okw'obuziba eri Obuziba nate!

28 Ibulayimu n'alaba ebibuga eby'omu kiseera kye, Uli eky'e Kaludaaya. Era yali akimanyi ekyo olw'okuba waliwo ekintu mu ye ekiyita, waliwo Ekibuga ekyali eky'enjawulo, Omuzimbi n'Omutonzi waakyo ye Katonda. Katonda n'alaba ekyo mu Ibulayimu, n'amugamba nti, "Weeyawule kaakano, oveeyo."

Kati, Ibulayimu, ekintu kimu kye njagala okyetegereza, yagondera Ekigambo kya Katonda okutuuka ku nnukuta.

Ekyo kijjukire bulijjo! Obwo bwe Bubaka bwange. Olina okugondera Ekigambo. Era okumanya ekintu kyonna ekikontana naky'o, kireke. Kiyinza okulabika obulungi, naye towakanya Kigambo kya Katonda.

Ekyo ky'ekintu Sitaani kye yasooka okukola, yali nsonga eziwakanya Ekigambo kya Katonda, eri Kaawa. Era teyakibusabuusaako. Yakiteekamu buteesi magezi ge ag'obuntu. Sitaani yakikubaganya ebirowoozo.

Era y'engeri gye bakola leero. "Si kya magezi nti kino tukikola? Si kya magezi?" Bwe kiba nga kimenya Ekigambo kya Katonda, kireke! Eryo ddooboozi lya Sitaani.

29 Leka Ekigambo, Ekigambo bwe kiba mu ggwe ... "Bwe mubeera mu Nze, n'Ekigambo kyange mu mmwe, kale musabe kye mwagala." Omwoyo Omutukuvu! "Mmwe mubeera mu Nze, Ekigambo kyange mu mmwe," ekyo kye Kigambo ekyafuulibwa omubiri, "musabe kye mwagala era kirituukirira." Eyo y'engeri. Ggyawo ebiyiye, ebintu byonna, era onywerere ku Kigambo kubanga ye Kristo. Weetegereze, olwo kija kweyoleka.

Waliwo eyagamba nti, "Ow'oluganda Branham, ebintu ebyo obimanyi otya. Ntya?"

Bino by'olaba wano mu lukiiko bintu bya bulijjo ebitandikirwako. Omuntu yenna atambula n'enkuŋŋaana wano, akimanyi. Omwoyo Omutukuvu abikkula ebintu ebijja wiiki n'emyezi wakati w'ebiseera. Era buuza omuntu yenna nti, "Kyalemererwako omulundi gwonna?" Tekisobola kulemererwa, laba. "Okimanyi otya?" Kubanga kisuubizo kya Kigambo, era essaawa etuuse. Kiteekeddwa okutuukirira. Kati, simanyi, waliwo abatono ennyo, abatono bajja kukikiriza, naye kiteekwa okugenda mu maaso kye kimu. Era wali okyetegereza, kigenda ddala waggulu w'ometwe gy'abantu, era kiyitawo ne kikolebwa nga tebannakitegeera. Bulijjo bwe kityo.

30 Eri mmwe abakatoliki, mumanyi ekanisa yammwe kye yakola? Kubanga Joan of Arc yali a — omutukuvu wa Katonda ddala, yakola ebyamagero bya Katonda, yalagula ku Katonda. Era mwamuyita omusamize, ne mu mwokya ku muti; n'okuleekaana kwe olw'okusaasirwa, era ne mu mwokyera ku muti. Nga wayise ebikumi n'ebikumi by'emyaka, ne mukitegeera nti mwali bakyamu, olwo ne mu mfuula omutuukirivu. Yabayitako ddala waggulu wammwe, naye temwamumanya.

Eriya yayitawo, tebaamumanya. "Omusamize omukadde!"

Kristo yayitawo, tebaamumanya oluvannyuma lw'okufa kwe, okuziikibwa, n'okuzuukira kwe. Katonda akikola atyo. Era kisika ddala ebyoya by'endiga ku maaso g'oyo atakkiriza. Era yalaze ... Yagamba nti, "Nnakikweka mu maaso g'abagezi n'abategeevu, ne nkibikkulira abaana abato abagenda okuyiga." Kristo yeebaza Katonda olw'okukikola. Olaba?

Weetoowaze. Kikkirize. Gezesa Ekigambo.

Yesu yagamba nti, "Munoonye mu Byawandiikibwa, kubanga mu byo mulowooza nti mulina Obulamu Obutaggwaawo, era by'ebyo ebijulira Nze. Mwandibadde mumanyi essaawa." Yagamba, n'agamba

Abafalisaayo nti, "Mmwe bannanfuusi, musobola okutegeera amaaso g'obwengula. Naye obubonero bw'ekiseera, temusobola kubutegeera. Kubanga singa mwanditegedde, mwanditegedde olunaku lwange." Kya bayitako awo we baali wennyini, tebaakimanya okutuusa bwe kyayitawo. Weetegerereze kati Ekigambo nga kikulu nnyo!

31 Era weetegerereze omulala, nga tukyakiriko, Lutti. Yesu yagamba, Ye kennyini, "Jjukira mukazi wa Lutti." Ekigambo bwe kiba nga si kikulu nnyo, singa okukubaganya ebirowoozo kuba kirungi; Malayika oyo bwe yagamba Lutti n'ab'omu maka ge nti, "Mugende e Zowaali, naye temutunula mabega!" Era mukyala wa Lutti, ku kintu ekitono ekitali kya makulu nga ky'okukyuka n'okutunula emabega, naye nga kikontana n'Ekigambo, yakyuka n'afuukamu empagi y'omunnyo.

Olwo n'ogamba nti, "Okubuulira abakyala ku kusala enviiri, okwambala engoye ...?" Katonda yagamba tokikola! Ggwe goberera Ekigambo. Lutti yalina, awatali kubuusuabusa, omukyala omulungi, naye teyagoberera Kiragirowo eri Kigambo. Lutti! Kaawa yali mukazi mulungi, naye teyagoberera Kiragirowo eri Kigambo; yakubaganya bukubaganya nakyo birowoozo katono.

32 "Si kya magezi, Ow'oluganda Branham, nti kino tusaanidde okukikola? Ndi munnansi wa Amerika, nze —nnina eddembe okukola kyonna kye njagala. Eyo y'enkizo yange ey'Abamerika." Nkizo yo ey'Amerika, naye si nkizo yo ey'Ekikristaayo. Kubanga, olw'Obukristaayo, oli ndiga; era endiga efiirwa eddembe lyayo. Egalamira mu bukkakkamu n'ekuleka okugiggyako eddembe lyonna lye lina. Naye embuzi ejja kusiikuula enfuufu ku kyo. Ekyo kituufu. Naye endiga yeefiiriza eddembe lyayo. Era omukristaayo bulijjo afiirwa eddembe lye ery'eggwanga singa kiba kikontana n'eddembe lyo ery'Ekikristaayo.

Mukyala wa Lutti yatunula butunuzi mabega, [Ow'oluganda Branham akuba engalo — Ed.] kyali ekyo! Kati ekyo kyakola ki? Kitugamba wano mu Ibulayimu, ne Lutti, nti ekintu kye baateeka awo, kya kulabirako. Era tetusobola kukivaako.

Abebbulaniya, essuula ey'ekkumi n'emu, yagamba nti, "Ebintu ebyo byali byakulabirako byaffe. Okulaba nga twetooloddwa ekire ekinene bwe kiti eky'abajulizi. Tulina okusuula buli kibi ebbali." Ekibi kye ki? Obutakkiriza! "Buli kibi, buli butakkiriza mu Kigambo kya Katonda, ekitutega amangu ennyo."

33 Tuvumirira ekintu, ne tugamba nti, "Kale, babuulira ekyo, nti ekyo kyali ..." Ekyo tokikola! Ggwe okola ekyo Katonda kye yagamba kola. Sigala nakyo, okutuuka ku nnukuta!

Ogamba nti, "Tekirina njawulo yonna gye kikola."

Kirungi, ekintu kyokka kye nsobola okwogera kye Kigambo kye kyogera. Era Yesu yagamba mu ngeri enkakali nti, "Jjukira mukazi wa Lutti." Kumpi yatunula butunuzi ku kibegabega kye. Kaawa kumpi yayimiramu kaseera katono. Ekyo kyokka kye yakola. Mukyala wa Lutti yatunula butunuzi mabega. Era singa ... Katonda yafuula omusajja oyo omutuukirivu, Lutti, mukyala we, empagi y'omunnyo, olw'ekintu ekitono ennyo, okujeemera Amateeka ge ekimala okumala okutunula emabega n'alaba omuliro ogwo gwonna kye gwali gukwatako, era n'akyuka n'adda ku mpagi y'omunnyo, era ayimiridde awo n'okutuusa kati ng'ekyokulabirako nti Katonda ategeeza by'ayogera.

Oh, singa okukkiriza okwa nnamaddala okunywerera mu bantu! "Okukkiriza kujja kuva mu kuwulira, okuwulira ekigambo kya Katonda."

34 Kaawa yayimirira okumala akaseera. Ekyo kyokka kye yalina okukola. Sitaani yamukwata, era n'akubaganya naye ebirowoozo. "Si kya magezi? Oba Mwannyinaffe gundi ne gundi bw'aba asobola okukola ekyo, naawe tosobola kukikola? Ye mukyala w'omusumba." Sifaayo oba omukyala ki, oba mwami ki. Bwe kiba nga kikontana n'Ekigambo, tokiwuliriza. Genda butereevu mu maaso! Eby'okulabirako!

Eyo y'engeri Ibulayimu gye yakola. Olowooza ensonga mmeka —ssaayansi w'obusawo yandibadde amuwa, ey'olunaku olwo, nti yali tagenda kuzaala mwana oyo? Era ate bwe yali wa myaka nsanvu mu etaano? Awo tumusanga bwe yali wa myaka kikumi, yali akyakkiririza mu maanyi okusinga bwe yasooka okukikkiriza, yalina emyaka abiri mu etaano okusigala ng'akya kizimbako okukkiriza okusingawo. Ekyo nkyagala. Yee, ssebo.

35 Olwo njagala okuleeta ebirowoozo byammwe ku kintu ekirala nga tetunnasituka. Okyetegerereza? Nsu —nsuubira nti mukitegedde. Ku ndagaano eyo okukakasibwa, mu kuwandiika endagaano eyo n'okugiyuzaamu, mwakitegedde? Muwanike emikono gyammwe oba mwakitegedde, mwategedde kye kyali kitegeeza. Endagaano yawandiikibwa, nneeyuzibwa, Katonda n'atwala okwolesebwa kw'obusatu, n'abufuula ekimu; okugikutula, okutwala omubiri n'agusitula Waggulu, n'okusindika Omwoyo Omutukuvu okukomawo okubeera mu Kkanisa, okuvaamu ekintu kye kimu omubiri ogwo kye gwazaala, ng'omukyala, Omugole; Omwoyo gwe gumu, omulimu gwe gumu, Enjigiriza y'emu, buli kimu ddala mu ngeri gye yalina, akabonero ke kamu, "Yesu Kristo y'omu jjo, leero, n'emirembe gyonna." Weetegerereza!

Wandibaawo, oboolyawo tomany, Omuyudaaya atudde wano.

Laba, Katonda akola ebintu ebyo, ne bigenda mu maaso ddala mu bantu kyokka ne batabitegeera.

Nga bwe nali nyinnyonyola ku nsonga lwaki abakyala babikka ku maaso nga bafumbiriganwa. Lwaaki? Ekyo bayinza obutakitegeera. Naye kyebakola, kwe kumanya nti bbo mubiri, tebalina mutwe, omusajja gwe mutwe gwabwe. Eyo y'ensonga lwaki Lebbeeke yeebikka. Era y'ensonga lwaki Ekkanisa erina okwebikka n'okwewaayo eri Kristo, kubanga Ye Mutwe, era Ye Kigambo.

36 Kati, Omuyudaaya, Yom Kippur, bwe basembera, oba Okuyitako, omuntu yenna amanyi, oyo Muyudaaya, era akimanyi nti wansi w'ekibikka waliwo ekitundu kya kosher ekimenyese. Era tewali Muyudaaya gwe mmanyi, gwe njogeddeko naye, asobola okunnyonyola lwaki ekitundu ekyo ekya kosher ekimenyese. Lwaki, wano kiri mu kukakasa endagaano, omubiri gwa Kristo ogwamenyeka, bwe yamenya Katonda okuva ku muntu; Yali Katonda era omuntu. Era bwe yatwala Omwoyo waggulu ... Yesu n'agamba nti, wulira, "Ku lunaku olwo mulitegeera nga ndi mu Kitange, Kitange mu Nze; Nze mu mmwe, namwe mu Nze." Ye Katonda mu bantu be! Katonda y'omu!

Yakiikirira awo, we twayogeddeko ekiro ekikeesezza olwaleero. Katonda yakka wansi, enukuta enene M-U-K-A-M-A, Yakuwa-Yireh, Yakuwa-rafa, Yakuwa-manasse, Elohim, Oyo Amala Byonna, Ow'amaanyi, Oyo ow'Ebbeere, byonna eby'ebitiibwa bye ne buli kimu, nga byeyolekera mu mubiri gw'omuntu ogulya emmere y'omuntu, ne babula mu maaso gaabwe. Katonda!

37 Era Yesu, bwe Yajja, Yagamba nti, "Nga bwe kyali ku lunaku olwo, bwe kiriba." Katonda!

Oyo ye kosher eyamenyese wansi w'ekibikka, ekitundu ekimenyese; si bye batwala, wabula ekimenyefu. Lwaki tebakitegeera?

Mu ngeri y'emu Yesu bwe yasitula —amaliba n'atandika okusoma. Yasoma ekitundu ky'olunyeri, n'akireka, ekisigadde, kubanga kyali Kikye yekka olw'olunaku olwo. Olunyeri olusigaddewo lwali lukwata ku Kujja kwe okw'Okubiri.

Eyo y'ensonga lwaki ekyo Abayudaaya tebakitegeera, kubanga baalina okuzibibwa amaaso. Tebaalaba Masiya waabwe, kyokka ng'ate Yaliwo. Era buli lwe babeera n'oku —Okuyitako kwabwe, wabaawo nate kosher eyamenyese, kyokka nga tebagimanyi.

Nabuuza Rabbi omu. Yagamba nti, "Tuyigirizibwa okukikola ekyo."

Namugamba nti, "Lwaki okikola?"

N'agamba nti, "Simanyi. Tewali mulala yenna amanyi."

Laba, omukazi abikka mu maaso, naye nga tamanyi. Mu kifo ky'okuyingira n'aleka bba abeere mutwe gwe, ye mutwe gw'omwami. Okwo kukyama. Kati eyo y'endowooza y'Abamerika.

Naye ky'ekyo, kosher emenyese. Awo nate twetegereza, nate njagala okwetegereza wano, ng'ampa ennyanjula kati nga tetunnatuuka wansi ku kitundu ekituufu kye twagala okwogerako ekiro kino.

38 Ekiro ekikeesezza olwaleero mujjukira nti Ibulayimu bwe yali, endagaano yakolebwa ne Ibulayimu n'Ezzadde lye oluvannyuma lwe. Kati, waaliwo ensigo ey'obutonde eya Ibulayimu, olw'ekikolwa eky'okukkiriza yavaamu ekyo; naye Ezzadde lya Ibulayimu erya nnamaddala yali Kristo, Baibuli ... eyali Ezzadde lya Ibulayimu ery'obwakabaka. Kati weetegereze.

Ibulayimu, ng'omuliro tegunnazikirizibwa mu kiseera kye, waaliwo akabonero akaakolebwa Ibulayimu, ekibinja kye ekyalondebwa. Era ekyo kyali nti, Katonda yakka wansi mu ngeri y'omuntu, n'akyusa omugongo Gwe n'atunuulira weema Saala gye yali, n'abuulira Saala bye yali ayogera mu weema. Era Yesu n'ajja okwetooloola n'agamba nti ekintu kye kimu kijja kubaawo ku nkomerero y'omulembe. Kati, oyo yali Ibulayimu.

Awo ezzadde lye ery'obutonde, Masiya bw'alijja. Simooni n'ajja eri Yesu, n'amutegeeza nti erinnya lye Simooni, era yali mutabani wa Yona, ng'amanyi ekyama ky'omutima gwe. Yagamba Firipo ... oba Nassanael, nti Firipo yafuna, "Nnakulaba nga oli wansi w'omuti." Yagamba omukazi ku luzzi, "Walina abaami bataano"; n'agamba nti, "Ssebo, ntegedde nti Oli nnabbi." Laba, enkomerero y'ensigo ey'obutonde eya Ibulayimu yafuna akabonero ako.

Era kyalagulwa Ezzadde ly'obwakabaka Yennyini, Kristo, nti Ezzadde ery'obwakabaka, ku nkomerero y'ennaku zaabwe, bajja kufuna ekintu kye kimu. Kati nsuibira nti tukifuna.

39 Yamukyusa. Weetegereze, Katonda yakyusa erinnya lya Ibulayimu. Ekyo ndowooza nandikivuddeko. Bwe ndikomawo mu kudda obuggya okumala ebbanga eddene, tujja kukigenda mu ekyo. Yalina okukyusa erinnya okuva ku linnya lye ery'oku nsi, okudda ku linnya eryaweebwa Katonda.

Ogamba nti, "Erinnya ly'omusajja lirina kakwate ki ku kintu kyonna?" Oh, ow'oluganda, singa omanyi! Lwaki, agamu ku mannya gano ag'omulembe guno getulina! Saagala kugogera, 'kubanga kijja kubalumya.



Naye Katonda alina amannya agalina kyegategeeza, gakyusa ekintu kyonna. Oh, ggwe ogamba nti, "Bya kisiru!"

Ate kiri kitya —ate Yakobo? Nga tannafuuka mulangira mu maaso ga Katonda, yalina okukyusibwa erinnya lye okuva ku Yakobo okudda ku Isiraeri. Ekyo kituufu? Tewali kubuusabuusa. Pawulo; Sawulo yalina okukyusibwa erinnya lye ne lifuuka Pawulo. Oh, bameka betusobola okwogerako, be tugamba nti Katonda yakyusa erinnya lyabwe! Ibulaamu n'afuuka Ibulayimu, Salaayi n'afuuka Saala, ng'akyusa erinnya lyabwe. Oh, owange! Nga mukisa, okuyingira mu kkanisa emu entono n'ekibinja ekironde, n'ogenda okuyigiriza ekyo, laba hallelujahs mu mutima, bw'olaba Katonda by'akola.

40 Kati, ekiro ekikeesezza olwaleero nnali nnyonyola ku "wakati wa layini" ne "okukikakasa." Njagala kuddamu okukikuba nate nga sinnaba kugenda mu kya kuyigako. Ekyo, Katonda yakyusa Ibulayimu okuva ku musajja omukadde eyalina enkanyanya, ye ne Saala, ne baddamu okufuuka abafumbo abato, ne bakyusa omubiri gwabwe nga tebannafuna mwana gwe basuubiza. Akabonero ke baasembayo okufuna kwe kwolesebwa kwa Katonda mu mubiri, yasobola okusoma omutima gw'omukazi emabega We, mu weema. Era ekyaddako kwe kuba nti emibiri gyabwe gakyusibwa. Kati, ekiro ekyakeesezza olwaleero obudde bw'abadde bumpiseeko, era nga mpulira abamu nga beebuza ku ekyo. Njagala nneera nkisembezeeko katono.

Kati, obukakafu bwakyo bwali nti, bombi bwe baakwata olugendo olwo oluwanvu, baali bakyusiddwa ddala. Era Baibuli yagamba nti, "Bombi baali bakuze mu myaka. N'omubiri gwa Ibulayimu kumpi gwalina omufu, n'olubuto lwa Saala lwali lufu. Ekyo kyali kituufu? Tukimanyi nti baali bafu, naye Katonda yabakyusa. Kati okukibakakasa, nti Yakikola. Ekisooka, lwaki Omufirisuuti oyo (oba si ...), yee, nzikiriza nti yali kabaka Omufirisuuti, yandigudde mu mukwano ne Saala, omukazi omukadde? Era yali mulungi okutunuulira.

41 Ekirala. Isaaka bwe yazaalibwa, ne Saala ne Ibulayimu nga bakaddiye bulungi, nga beetegefu okufa, ne bawangaala, era Isaaka n'afumbirwa ng'aweza emyaka amakumi ana; Saala yafa. Ibulayimu n'awasa omukazi Ketura, n'azaala abaana bataano, mukaaga ab'obulenzi, nzikiriza bwe kyali, ng'oggyeeko abawala, oluvannyuma lw'ekyo; era wano, emyaka nkaaga egiyise, yali mulungi ng'afudde! K-e-t-u-r-a-h, Ketura, nga bano. Yawasa Ketura, oluvannyuma lw'emyaka ataano oba nkaaga, n'azaala abaana mukaaga ab'obulenzi ng'oggyeeko bawala be; era emyaka nkaaga emabega, yali mulungi ng'afudde. Aleluya! Ky'ekyo awo! Ekisuubizo kya Katonda kikakafu. Amiina. Oh, Nkyagala nnyo!

Okumanya obumanya n'osoma! Leero, nga nkomyewo mu nsiko, nga nsoma, nnina awo akatono ke njagala okunnyonyola.

42 Isiraeri. Abantu ba Katonda olunaku lumu baali wansi e Misiri, nga baatundibwa mu buddu, era nga tebasobola kwewala kubeerawo. Enteekateeka ya Katonda ennene eyategekebwa edda yeeyabasindikayo eyo. Yali agambye Ibulayimu nti baali bagenda kubeera mu nsi gye batamanyi okumala emyaka ebikumi bina. Era eyo ne bafuuka ng'abantu abalala, ne babeera baddu. Singa —singa omusajja Omumisiri yali ayagala okukozesa abawala abato Abebbulaniya, tewali kyali kiyinza kwogerwa. Bwe baali baagala okutta abavubuka baabwe, nga babatta, tewali kyali kiyinza kwogerwa. Baali baddu. Baabakasukira wabweru emigaati gyabwe. Nga bagirya, oba babeerewo; bwe beemulugunya, battibwa! Nga kyali kifo abantu ba Katonda mwe baali!

43 Naye olunaku lumu, aleluya, Katonda yajjukira ekisuubizo kye eri Ibulayimu. Ekitiibwa! Kati ntidise okuddamu okuwulira nga munna ddiini. Weetegereze, Katonda yajjukira ekisuubizo kye eri Ibulayimu. Era yafuka amafuta ku nnabbi, ng'alina Empagi y'Omuliro ku ye, n'aserengeta mu nsi n'atandika okubajjukiza ekisuubizo kya Katonda ekitayinza kulemererwa. Era Katonda yaliwo okukakasa Ekigambo kye. Kituufu. Yababuulira ku nsi eyali ekulukuta amata n'omubisi gw'enjuki, Katonda gye yali abawadde. Baatambula okuva e Misiri ku maanyi g'obujulirwa bwa nnabbi ono n'empagi ey'omuliro ku ye, kubanga yatumbwa. Era Katonda yali akakasizza nti yali naye.

44 Awo bwe baatuuka mu kifo ekiyitibwa Kadesu-barnea. Eyo Olumu ye yali entebe y'omusango gw'ensi, Kadesu-barnea. Era eyo baalina omulwanyu mu bo, erinnya lya Yoswa. Era ekigambo Yoswa, mu Lwebbulaniya, kitegeeza "Yakuwa-omulokozi." Ne Yoswa, omulwanyu omukulu ... Kati jjukira nti ensi eno baali tebagirabangako, baali bagiwuliddeko. Olaba ekifaananyi kati? Ensi baali bagiwulirako buwulizi kyokka. Bonna baali baleseeyo byonna okugenda mu nsi eno, kubanga Ekigambo kya Katonda kyali kireeteddwa gye bali, era ne kikakasa nti baali mu lugendo lwabwe olugenda mu nsi eno. Nga kifaananyi kya Kkanisa, mu lugendo lwayo, nga terina kye kimanyiiiko wadde, tewali n'omu ku bbo yali agenzeeyo kko. Naye Yoswa bwe baasemberera ensalo, e Kadesi, entebe y'omusango, Isiraeri gye yasalira omusango, okuva ku oyo eyali abaddeyo n'akomawo. Yoswa n'asomoka omugga Yoludaani, n'ayingira mu nsi ensuubize, n'akomyawo obujulizi obulaga nti kyali ekyo kyennyini Katonda kye yagamba okuba bwe kyali. Era baali basobola okuloza ku mizabbibu egyptimibwa mu nsi eyo ey'essanyu.

45 Kati, baali basuubiziddwa nti basobola okuba n'amaka mwe basobola okuba ab'eddembe, basobola okukuza abaana baabwe mu mpisa era — n'okutya Katonda, okuba n'ekkanisa, n'ebirala. Nga baali

basanyufu nnyo okusomoka ensi eyo ne bafuna amaka gano, okuva mu kubeera abaddu. Weetegereze. Naye bwe baasomoka, ne babeera mu bulamu bwabwe, kyali kintu kinene. Naye ku nkomerero ensozi zaatimbibwa n'amayinja g'antaana. Bakaddiwa ne bafa, bakaddiwa ne bafa, abantu ba Katonda.

Awo olunaku lumu ne wajja Omulwanyi omulala omukulu, asinga bonna, Yakuwa-Omulokozi, Yesu, Yajja, n'agamba nti, "Waliyo Obulamu oluvannyuma lw'okufa! Kubanga, mu nnyumba ya Kitange mulimu amayumba mangi. Singa si bwe kiri, nandikugambye. Nja kugenda ntegeke ekifo, era nkomewo nate mbasembeze gye ndi." Era Omulwanyi ono omukulu yajja e Kadesi-barnea Ye, entebe y'omusango gye tuli ffenna, Kalvario! Eyo gye yatwalira obutali butuukirivu bwaffe ffenna. Era yasomoka omugga Yoludaani gwe tuyita okufa. Era ku lunaku olwokusatu Yazuukira nate, nga Yoswa ng'akomawo emitala w'omugga, n'aleeta obujulizi obulaga nti "omuntu eyafa asobola okuddamu okuba omulamu."

46 Era N'agamba, okukukakasa ... wammwe, "Njagala olinnye eyo mu kibuga Yerusaalemi, olindirire eyo. Njenda kukuwa omusingo gwakyo. Njenda kukuwa obukakafu, omutango ogusooka." Ne bambuka mu kibuga Yerusaalemi ne balindirira okutuusa Obulamu Obutaggwaawo lwe bwajja ng'empewo ey'amaanyi efututuka.

Era leero, oluvannyuma lw'emyaka enkumi bbiri, tukyalina obujulizi obwo nti twava mu kufa ne tugenda mu Bulamu. Yoswa waffe akomezaawo obujulizi, era tuli mu kkubo erigenda mu Nsi eyo ensuubize, nga tulega ku birabo bya Katonda eby'omu ggulu bye yatukomyawo gye biri. Weetegereze, nga kya kitalo nnyo! Laba gye wali edda. Omutamiivu ...

47 Nsinsinkanye ow'oluganda leero; ne mpulira enneewulira etali ya bulijjo okwagala mbeeko oluguudo wempetera, nveewo njende. Nneerabidde erinnya ly'omusajja abadde ani. Ayinza okuba ng'ali wano mu lukung'ana. Naye, bw'aba nga si bw'ali, lwaki, Katonda yali mulungi gy'ali. Muyindi, alimu oluyindiyindi. Aviira mu Virginia. Omwoyo Omutukuvu yanjamba, obutakyogera. Nnali njambye mukyala wange afulume wabweru. Namugamba nti, "Serengeta mu kkubo lino, okyuke mu koono lino." Nagenda wansi eyo. Oh, kibaawo buli kiseera. "Linda wano wennyini." Oluvannyuma nnalinda awo eddakiika ntono. Yagamba nti, "Kyuka oddeyo waggulu mu kkubo lino." Era, bwe nnakikola, nnamusisinkana.

Yagamba nti, "Ow'oluganda Branham, nkumanyi." Yagamba nti, "Nnajjako e Jeffersonville omulundi gumu, era okukunoonya." Era n'agamba nti nze ... "Wali mitala w'amayanja." Naye yali abadde mutamiivu, mu bulamu bwe. Namukwata ku mukono, ye nga tamanyi kye nkola. Era yalina amabwa ku kibumba.. Nga nnyimiridde awo nga mmukutte ku mukono, okukankana kwandeka. Kiki? Yawona. Awo wennyini ku nsonda y'oluguudo, bakiwulira mu kibuga kyo.

48 Simanyi musajja ani ... Ali wano? Simanyi. Bw'aba nga bw'ali, ye ... Nze—simanyi. Yagamba nti ye — yali ayagala okudda eka. Ndownooza yalina okugenda. Yali —omusajja Omuyindi, ndownooza yali yawasa — omukazi omuzungu. Era yali ava mu Virginia. Era nneerabira erinnya lye kye liri. Yali abeera wansi wano okwetoolola Logar oba ekintu ekiringa ekyo. Era yali amaze okutuuka e Jeffersonville. Naye yalina endownooza y'okutambula waggulu ku nsonda; Omwoyo Omutukuvu n'agamba nti, "Serengeta mu kkubo lino." Ayi Katonda, osaasire! Mukirabye.

Nsobola okutwala essaawa n'essaawa, okubabuulira ebintu ebituuseewo ne bibaawo bwe bityo. Lwaaki? Yesu, Omulwanyi waffe omukulu, yagenda n'awamba ensi, n'awangula okufa, n'awangula ggeyeena, n'awangula entaana, n'asituka ku lunaku olw'okusatu, n'agamba nti, "Nze oyo eyali afudde, era omulamu emirembe gyonna, era nnina ebisumuluzo by'okufa ne geyeena." Oyo ye Muwanguzi, okuva bwe Yayuza olutimbe mu bitundu bibiri. Awo w'ayimiridde!

49 Nga mwanyinaffe omukadde omuddugavu. Munsonyiwa mikwano gyange abaddugavu abali munda wano. Yali awa obujulizi mu lukung'ana, era yali wa bugwanjuba nnyo mu njogera ye. Yagamba nti, "Kale, njagala okubaako kye mbabuulira mwenna ekiro kino." Yagamba nti, "Mu mazima ssiri ekyo kye nsaanidde kuba." Era n'agamba nti, "Mu mazima ssiri ekyo kye njagala kuba. Naye ekintu kimu kye mmanyi, ssiri nga bwe nnali." Bwe kityo yali alina awantu awamu waatuuse!

Era njamba nti, bwekityo bwekiri olwaleero! Lumu twali twabulira mu kibi. Era leero, nga tukkiriza obujulizi, ekisuubizo ekyaddizibwa (okusasula okusooka ku bulokozi bwaffe obw'Emirembe n'emirembe), tuzuukidde okuva mu kufa okutuuka mu Bulamu, era nga tubeera waggulu waakyo. Kinaaba kitya singa tufuna okusasula okujjuvu, ne tusomoka omugga, ffe kennyini, mu Nsi eyo ey'ekitiibwa?

50 Okugezesebwa okunene! Awo Ibulayimu, oluvannyuma lw'ebintu ebyo byonna eby'ekitalo, yagezesebwa oluvannyuma lw'okufuna omukisa. Ibulayimu yagezesebwa.

Kati awo abantu we balemererwa. Kati, wuliriza ddala n'obwegendereza, tokisubwa. Baibuli yagamba nti, "Buli mwana ajja eri Katonda alina okukangavvulwa, okubonerezebwa, okukubwa emiggo. Era bwe tutasobola kugumiikiriza kibonerezo, tufuuka abaana abeeboolereze, so si baana ba Katonda." Kikakasa nti okukkiriza kwaffe tekwali nga bwe twagamba, tetunnafuna kye tweyita nti tulina. Kaakati tuli mu kugenda buziba mu Calvinism omulungi kati, n'olwekyo tulina okukyegendereza ekyo. Kati weetegereze

nti, "Buli mwana ajja eri Katonda alina okukangavvulwa, okukangavvulwa," Ekigambo kimukuba emiggo ne kimutema ebitundutundu, okukoona buli kiyiye okuva wansi we; laba, agezesezza, olabe oba mwana wa Katonda.

Awo Ibulayimu, bwe yamala okufuna omukisa, oluvannyuma n'agezesebwa.

51 Ekiseera ekyo kigenda wa? Ssinayita na mu kyakuyigako kyange, kyokka kye kiseera okuggalawo. Munna ngumiikirizaako eddakiika endala kkumi na ttaano? [Ekibiina kigamba nti, "Amiina." — Omuwandiisi w'ebitabo.] Mwebale. Mubeera bawombeefu. (Ibulayimu. Laba Nuuwa.) Ka tukitwale akaseera katono. Tetusobola kwanguwa; tewali kyetaagisa. Era, owange, kiki kye twanguyira? Nsooba busoobi. Nze—silinga abamu ku bannange bano abasobola okuyimirira, ne bavulumula buvulumuzi bwe batyo. Nze—nze—ngenda mpola, nnina okulinda okutuusa lw'Akimpa.

Laba Nuuwa, oluvannyuma lwa Katonda okumugamba okubuulira emyaka kikumi mu abiri, wakati ddala mu nsi ya ssaayansi ennene okusinga gye tulina leero. Oh, mazima, baazimba piramidi. Tetwasobola kuzizimba. Baazimba ebibumbe eby'enkula ez'enjawulo. Tetwasobola kubizimba. Bajjanjabanga emirambo okusobola okugireetera okulabika ng'emiramu n'olwaleero. Tetusobola kukikola. Baali balina langi gye baali basobola okuteeka mu bintu, nga langi okumala emyaka enkumi nnya tekyuka. Tetubirina. [Ekifo ekitaliimu kintu kyonna ku lutambi — Ed.] Era kyalaga nti baalina enkulaakulana ng'eyo Yesu kye yagamba nti, "Nga bwe kyali mu nnaku za Nuuwa." Era Nuuwa, mu nsi eyo eya ssaayansi, ng'abuulira, "Enkuba egenda okutonnya okuva mu ggulu, kubanga Ekigambo kya Katonda kyayogera bwe kityo!" Nuuwa yali nnabbi.

52 Era bw'olaba bannabbi nga bayimuka, kirungi otunule, omusango guli mu kkubo lyagwo.

Awo Nuuwa yabuulira, n'abantu ne bakigaana, ne bamusekera mu maaso ge. Nsobola okulowooza nti abamu ku bo baagamba nti, "Ebyo tebituukana na kukkirizibwa kwaffe okwa ssaayansi." Huh!

Ntebereza, ekintu kye kimu nga bwe kiri leero. Bagamba nti, "Okuleekaana n'okutendereza Katonda, n'okukaaba, ne kino wano kye bayita 'mutukuvu yeevulungula' ebyo byonna kukyamuukirira kukolerere." Tekituukana na kusiimibwa kwabwe mu bya ssaayansi, naye kituukana ne Baibuli ya Katonda. Ekyo ky'ekintu ekikulu. Mwetegereza.

Ntebereza ssaayansi ng'avaayo n'agamba nti, "Laba, munnange. Laba, ola -olabika ng'atabuseemu omutwe. Laba wano. Ni, tulina ekyuma ekiraba mu bwengula, tusobola okukuba ku mwezi oba okusindika ekyuma ekikkesi waggulu eyo. Tewali wadde tondo ly'amazzi wakati waffe n'eyo. Kati gagenda kuva wa?"

Mpulira Nuuwa ng'agamba nti, "Katonda bwe yayogera! Era Katonda bwaba yagamba nti bwekityo, Ye Yakuwa Yire, Asobola okuwa amazzi waggulu awo. Katonda bwe yagamba! Kigenda kubaawo, mu ngeri yonna!" Waliwo eyagambye nti ...

53 Otwala omusajja afa kookolo, ekisiikirize ky'omusajja, wuuno; omwaka ogujja musajja mulungi mulamu bulungi. Kyatuukawo kitya? Yamuteeka emabega ... Nnina ebikumi n'ebikumi by'obujulizi obwo. Omusajja ng'amaze okugendage okuva mu bulamu buno, omusawo n'ateeka omukono ku kiwandiiko, "Afudde, abadde mufu okumala essaawa eziwerako." Era Katonda n'awa okwolesebwa, era kati mulamu. Atya? Tombuuzza. Simanyi. Naye Katonda n'agamba nti, "Muwonye abalwadde, muzuukize abafu, mugobe dayimooni." Ekyo kituufu.

Buli lw'oba mulwadde era Katonda n'alangirira okuwona, ggwe genda mu maaso —genda mu maaso n'omusawo wo, leka akubuulire ng'oli bulungi. Ajja kukuwa ... Ekyo kijja kumuwa obujulizi. Bw'agamba nti, "Kale, byonna biweddewo"; mugambe nti, "Katonda Atenderezebwe! Webale nnyo omusawo olw'obuweereza bwo," era genda mu maaso. Olaba? Ekyo kituufu. Weetegereze.

54 Kati Nuuwa, n'agamba nti, "Waliwo enkuba egenda okujja, mu nsi yonna, egenda kunaazaawo abantu ababi bonna."

"Ah, bya kisiru! Tulina amakanisa gaffe. Omusumba waffe tayogera kintu nga ekyo. Omusajja nnamukadde atabuseemu omutwe, ali mu kizimba lyato waggulu eyo. Olowooza omuntu yenna anaakikiriza?"

Olunaku lumu, Katonda yagamba nti, "Nze mpulidde okusekererwa kwabwe okumala. Nze ndi mwetegefu kati. Musingire!" Era wano ne wajja ebisolo, bibiri bibiri, enkazaluggya ensajja n'enkazi, enkazaluggya ensajja n'enkazi, embuzi ensajja n'enkazi, endiga ensajja n'enkazi, empologoma, engo, byonna ebissa omukka ku nsi, ne biyingira mu lyato.

Nuuwa n'agamba nti, "Ako ke kabonero kammwe akasembayo!"

Era tebasobola kukikiriza. "Genda waggulu obeere n'ensolo zo eziwunya."

Yali awo, Nuuwa ng'agondera Katonda. Ensi ne bwe yayogeranga ki, yawuliriza Katonda; yali nnabbi. Yayingira mu lyato, Katonda n'aggalawo oluggi.

55 Kati nsobola okulowooza, abamu ku bakkiriza ab'ensalo, abaatuula okwetooloola ne bawuliriza obubaka bwa Nuuwa, ne basitula ekitundu, omanyi, ne bagamba nti, "Omanyi ki, omukadde oyo yandiba nga yali mutuufu. Twambukeyo era tuyimirire okwetooloola awo. Yagamba nti, 'Enkuba egenda kutandika okutonnya ng'oluggi olwo luggaddwa.' Katonda yamugamba nti Agenda kuggala oluggi, enkuba yali egenda kutonnya. Ka tulinye tuyimirire okwetooloola. Era enkuba bw'eneetandika okutonnya, tujja kukonkona ku luggi. Olw'okuba musajja mukulu ow'ekisa, ajja kuggulawo oluggi."

Olaba oluusi oba otunuulira omubaka mu kifo ky'Obubaka. Katonda yaggalawo oluggi. Nuuwa ne bw'aba yali wa mutima musaasizi atya, Katonda ye yaggalawo n'okuggulawo, kyonna ky'Ayagala.

56 "Ow'oluganda Branham, waliwo omusajja atudde wansi wano ku nsonda. Genda wansi omuwonye, tujja kukkiriza mu kuwonya okw'Obwakatonda." Oyo ye sitaani.

Oyo y'omu yagamba nti, bwe baamuteekako olugoye mu maaso ne bamukuba waggulu ku mutwe, mu lubiri, n'agamba nti, "Bw'oba oli nnabbi, tubuulire akukubye kati. Tujja kukikiriza." Teyeefuula kazannyirizi wa muntu yenna. "Bw'oba oli mwana wa Katonda, amayinja gano gafuule emigaati. Bw'oba oli!" Yali asobola okukikola, naye Tasobola kubeera kazannyirizi wa muntu yenna. "Bw'oba oli mwana wa Katonda, serengeta okuva ku musaalaba." Bannaddiini bebaali boogera ekyo, olaba. Talina muntu yenna gwe yeefuulira kazannyirizi.

Yakola ekyo kyokka Kitaawe kye Yamulaga, era tewaaliwo kirala. Ekyo kye yayogera, Omutukuvu Yokaana 5:19, "Omwana tayinza kukola kintu kyonna mu ye, okujjako ky'alaba Kitaffe ng'akola." Mukirabye. Mwetegereza.

"Tujja kulinye tuyimirire okwetooloola eryato, singa enkuba etandika okutonnya ..."

57 Ntebereza Nuuwa yagamba nti ... Yayingira ku mwaliriro ogusooka, n'alinye okutuuka ku mwaliriro oguddako (ebinyonyi) okuva ku bintu ebyewalula, okutuuka ku ofiisi eddako. Okuva ku kuggibwako omusango, okutuuka ku kutukuzibwa (ebinyonyi), olwo n'ava ku ekyo n'agenda mu kubatizibwa kw'Omwoyo Omutukuvu; eddirisa we lyali, ekitangaala we kyali kisobola okuyingira. "Nnatuuka mu ggulu, n'atuula wansi." N'agamba nti, "Kale, famire, mmwe abayingidde wano nange, ku makya ... Obudde buyise kati akawungeezi. Kati Katonda n'aggalawo oluggi wansi awo. Ku makya, wajja kubaawo ekizikiza mu nsi yonna. Ku makya, enkuba ejja kutonnya era eryato lijja kuseeyeeya ligende, era Katonda ajja — kumalawo buli omu ku abo aboononyi abo abakambwe abatakkiriza Bubaka." Bonna nga balinze.

58 Enkeera ku makya, yasituka, n'atunula ebweru, nga walungi era watangaavu. Yagenda mu lyato, bameka abamanyi olunaku lwe yayingira? Olunaku olw'ekkumi n'omusanvu mu mwezi gwa May, Nuuwa bwe yali ng'alina emyaka lukaaga. Ku lunaku olw'ekkumi n'omusanvu mu mwezi gwa May, Baibuli bwe yagamba. Era bwe yayingira, olunaku olw'ekkumi n'omusanvu ne luyitawo, enjuba n'evaayo ng'eyokya nga bwe yali.

Ntebereza abo ab'okulusalosalu, nga bagamba nti, "Ah! Nakugambye nti tekiriimu makulu gonna! Mwenna kiki ekibabeeza awo waggulu? Muve ku oyo eyeeyita omugezi!"

"Kale, ntebereza nti ekyo kyali kituufu."

Naye, olaba, waliwo layini eyawula esaliddwa wakati w'okukkiriza n'obutakkiriza. Era olina kujja ku ludda olumu oba olulala. Era waliwo ekiseera w'ofuna okuyitibwa kwo okusembayo..

Kale, olunaku olwokubiri, nga ekyo kyali kimalamu amaanyi Nuuwa n'ekkanisa ye, bwe yabagamba nti Katonda agenda kuzikiriza ensi. Naye omanyi ebbanga lye yakituulamu okulinda? Ennaku musanvu, tewali kyaliwo. Okugezesa!

59 Awo ku lunaku olw'omunaana, ekizikiza ne kibeera mu nsi yonna, amatondo amanene amanene ne gatandika okutonnya okuva mu bbanga, amazzi ne gatandika okuyiwa, era ensulo ne zimenyeka. Enguudo zajjula amazzi. Abantu baakonkona ku mulyango, naye Nuuwa yali tasobola na kubawulira. N'atengejja waggulu w'olusozi olusinga obuwanvu, era bonna ebweru w'eryato ne bazikirizibwa.

Katonda ng'agezesa Nuuwa, okulaba oba yandigezezzaako okulinye okuva mu ddirisa, oba ekintu kyonna. Oluvannyuma lw'okumala okusuubiza, Nuuwa yakituuzza!

Ekyo ky'ekyo! Bw'oba ofunye ekisuubizo, era ng'omanyi nti kisuubizo, sigala nakyo! Ibulayimu yalina okugezesebwa. Sigala n'ekisuubizo!

Kati, baafuna akabonero kaabwe akasembayo. Olwo omubiri gwabwe ne gukyusibwa. Era amangu ago Isaaka omuto n'alabika mu kifo ekyo, omulenzi omuto Omuyudaaya omulungi ennyo. Ntebereza oluvannyuma lw'ennaku ze omunaana yakomolebwa. Engeri maama oyo omuto, ow'emyaka kikumi ... Nga Ibulayimu, ow'emyaka kikumi; oba kyenda, naye kikumi; engeri gye bateekwa okuba nga baali nga, nga bali mu myaka gyabwe egy'amakumi abiri, nga basanyuka. Omuvubuka ono omuto, nga yali muwoomu!

60 Era omanyi, Katonda yagamba nti, "Kati okumanyisa abantu mu nnaku ezijja (Ezzadde Iya Ibulayimu), Ezzadde Iyo limanye nti ntuukiriza ekisuubizo kyange eri omuntu yenna anaanywerera ku Kigambo kyange, njenda kumuwa ekigezo."

Omulenzi omuto bwe yaweza emyaka nga kkumi n'ena. Ntebereza, enviiri entono eziriko ebiwujjo n'amaaso amatono amalungi. Oh, nga taata ne maama oyo abasanyufu! Omanyi engeri ggwe omuzadde gy'oli n'omwana wo, omwana yekka. Awo Katonda n'agamba Ibulayimu ... Kati, Teyandikigambye Saala, kubanga Saala ye yali ekibya ekinafu. Era bwatyo N'agamba nti, "Ibulayimu, njagala otwale akalenzi kano akatono ke nkuwadde, oyo gwe ngenda okukufuula taata w'amawanga mangi, era njagala omutwale waggulu ku olusozi lwe njenda okukulaga ekiro kino mu kwolesebwa, era eyo mumutte." Azikirize essuubi lyokka eryaliwo eri ye okubeera kitaawe w'amawanga, Katonda okukuuma Ekigambo kye; Katonda yagamba nti, "Nkufuula kitaawe w'amawanga." Alinze kati emyaka gino gyonna, okutuusa lw'awezeza emyaka kikumi, emyaka kikumi mu kkumi n'ena. "Era wuuno akalenzi akatono kati, era obujulizi bwokka bw'olina nti nja kukuuma Ekigambo kyange, genda waggulu okisaanyeeewo. Nkyagenda okukufuula taata w'amawanga okuyita mu mwana ono."

61 Yagamba nti: "Ibulayimu teyawuguka olw'ekisuubizo kya Katonda. Yamanya nti yamusembeza ng'omu okuva mu bafu. Yamanya nti, Katonda bw'aba yasubiza bw'atyo, yali asobola okumuzuukiza mu bafu."

Era awo ffe tuli Ezzadde Iya Ibulayimu? Era ensobi emu entono ey'eby'eddiini esobola okubuuka mu kkubo, okubeera omuganzi eri abasajja n'abakazi abalala, ogenda ku yo mu kifo ky'okusigala n'Ekigambo. Muswadde! Ekibiina ekimu ekinene, ekyo kitegeeza ki eri Katonda? Ajja kukyerawo bwe kityo! [Ow'oluganda Branham akuba engalo — Ed.] Abiri wala, bw'abadde okuva lwe beekolamu ekibiina, buli omu ku bo, era bulijjo ajja kuba. Si bantu ssekinnoomu abali eyo, wabula enkola y'ekitongole, yeekontana ne Katonda. Buli kkanisa etegekebwa ye maama ... oba muwala w'ekibiina ky'Abakatuliki. Baibuli yagamba bwetyo, Okubikkulirwa 17, "Omwenzi omukadde, ne bawala be bamalaaya." Kituufu ddala.

62 Tumulina atudde wano wennyini kati ku ggwanga lyaffe. Muswadde mmwe banna Demokulaati abalungi abaatunda obusika bwammwe! Kirungi, ekyo tujja kukireka, okutuusa lwe ndikomawo. Mwetegereze. Obudde bumpeddeko. Kristo wo tategeeza kinene gy'oli okusinga ebyobufuzi byo? Olina okukola ekyo Abraham Lincoln kye yagamba. Kaale. Weetegereze, tweyongereyo mu maaso.

Kati Katonda yagamba nti, "Kwata omwana oyo omuto, omutwale waggulu eyo ku ntikko y'olusozi."

Kati oyagala okumanya oba Ibulayimu yali muvubuka oba nedda? Yagenda olugendo lw'ennaku ssatu n'omwana, n'enku, n'omuddu, n'endogoyi. Kati omusajja yenna, omusajja wa bulijjo ... Nalawuna layini z'amasannyalaze, nga ntambula nga ndi mukuumi mu kkuumiro ly'ebisolo; era nsobola okutambula, nga nnyangu, mayiro amakumi asatu olunaku. Era twalina ebigerere ebirimu amafuta, bwe tubiyita. Naye abasajja abo, entambula yaabwe yokka ya bigere, oba okwebagaza endogoyi. Era wano baali n'endogoyi entono entambula empola; era tusobola okumusingako. Era wuuno yali, olugendo lw'ennaku ssatu, n'oluvannyuma n'ayimusa omutwe gwe n'alaba olusozi ng'era, lukyali wala. Ateekwa okuba nga yali mayiro kikumi okuva awali obugunjufu, mabega nnyo eyo mu ddungu. Kati wuliriza, era weetegereze.

63 Awo n'addirira enku n'aziteeka ku mugongo gwa Isaaka; omusaalaba, eri Omwana wa Katonda oluvannyuma lw'emyaka. Awo Isaaka n'ayambusa enku waggulu ku lusozi, ze yali agenda okugalamirako nga ssaddaaka. Okulaga ekisiikirize!

Singa Katonda ekyo yakifuula ekisiikirize okutuuka ku kabonero; Mukyala wa Lutti, tokyuka n'otunula emabega ng'oyolekera ebintu by'ensi. Ebyo byonna ebifaananyi n'ebisiikirize bituukiridde. Olaba? Jjukira Kaawa. Jjukira mukyala wa Lutti. Jjukira Lutti yennyini, ggwe omusajja. Jjukira nti Adamu yeewaayo eri mukyala we; Lutti, mu ngeri y'emu. Beera mwegendereza. Nze nkugamba kyokka, ng'ow'oluganda. Obudde buyise nnyo n'okusinga bwe mulwooza.

Weetegereze Isaaka omuto ng'alinnya akasozi. Era n'afuna okwekengera. N'atunula okwetoolola awo, n'agamba nti, "Kitange?"

N'agamba nti, "Nze nzuuno, mwana wange."

N'agamba nti, "Enku ziizino. Era byonna weebiri wano, buli kimu, omuliro. Naye omwana gw'endiga ogw'ekiweebwayo ekyokebwa guli ludda wa?"

Wuliriza taata oyo omukadde, nga talina kukankana mu ddooboozi lye, yagamba nti, "Mwana wange, Katonda ajja kwefunira ssaddaaka." Omwana we omu yekka ng'agenda okuttibwa, naye era omutima ogwo omukadde omwesigwa gwali gukimanyi nti Katonda tayinza kulimba.

Eryo ly'Ezzadde Iya Ibulayimu leero! "Kiyinza kitya, Ow'oluganda Branham?" Katonda ajja kwefunira ebyetaago Bye! "Agenda kukikola atya?" Simanyi. Naye Ye Yakuwa-Yireh!

64 Yalinya n'atuuka ku ntikko y'olusozi, n'ayiringisa olwazi. N'ateeka enku ku lwazzi, n'azikoleezaako

omuliro. N'agamba nti, "Isaka, mwana wange, kyuka." Yaggya omuguwa mu kiwato kye, n'asiba emikono gye n'ebigere bye. Isaaka, omuwulize, nga Kristo bwe yali, okutuusa okufa. Yamugalamiza ku bbulooka. N'akwata wansi mu kiwabyo kye n'aggyayo ekiso ekinene; n'akiwagalamukko emirundi mitono, ng'atunudde waggulu okwolekera eggulu.

"Teyabusabuusa kisuubizo kya Katonda olw'obutakkiriza, naye yali wa maanyi, ng'amanyi nga yamusembeza ng'omu okuva mu bafu; ng'akakasizza ddala nti Katonda bw'ayogera bw'atyo, ayinza okumuzuukiza mu bafu." Oyo ye Ibulayimu, era eryo ly'Ezzadde lye oluvannyuma lwe. Bwe kiba nti eyo ye yali ensigo ey'obutonde, Ezzadde ery'obwakabaka lisaanidde kubalinya? Ssi kubusabuusa! Katonda by'ayogera, Katonda ajja kubikola. Ekyyo bwe yakimanya, yamatizibwa mu bujjuvu; nti Katonda kye yali asuubizza, Katonda yasobola okukikola.

65 Yawagala ekiso; amaaso amatono aga Isaaka amaddugavu nga gatunuulira ekyuma ekyo ekinene ekisongovu nga kiyita ku jjinja. N'akwata emebaga; n'akasuka emabega enviiri okuva mu maaso ge, n'asika akalevu ke akatono emabega. N'ayimuka, ng'amaziga gamukulukuta mu maaso bwe gatyo. Ng'akimanyi, era teyawuguka eri kisuubizo kya Katonda! Yasitula omukono gwe okunnyika ekiso mu mumiro gwa mutabani we yennyini.

Awo bwe yakikola, eddobozi lya Katonda ne likoowoola, ne limukwata mu ngalo ne ligamba nti, "Ibulayimu! Ibulayimu, yimiriza omukono gwo! Kaakano nkimanyi nti onjagala." Yali akola ki? Okuwa obujulizi eri Ezzadde lya Ibulayimu, oluvannyuma lwe. "Tossa mukono gwo, omwana tomulumya! Nkimanyi nti onjagala."

66 Era mu kiseera ekyo, Ibulayimu yawulira ekintu emabega we. Awo n'atunula, nga waliwo endiga (eyo ndiga ennume) eyakwatibwa amayembe gaayo mu muddo n'ebisaka. Ibulayimu n'agenda n'addira endiga ennume n'agitta, mu kifo ky'omwana we.

Endiga ennume eyo yava wa? Ali mayiro kikumi okuva awali enkulaakulana. Lwaki, ensolo z'omu nsiko zandigisse singa yali ebeera eyo. Mazima ddala, ki—kisolo kya waka. Yava wa? Era, ng'oggyeeko ekyo, yali waggulu nnyo ku lusozzi, nga tewali muddo wadde amazzi. Awo Ibulayimu n'alonda amayinja okwetooloola, we yali, okukola ekyoto. Yava wa? Tekyali kwolesebwa; yavaamu omusaayi. Okwolesebwa tekuvaamu musaayi. Aleluya! Yakuwa-Yireh yali yeewaddeyo ssaddaaka!

67 Katonda bw'atwalibwa ku Kigambo kye, Asobola okugabirira kyonna ky'aba yeetaaga. Katonda, Yakuwa-Yireh, akyali Yakuwa-Yireh ekiro kino. Alina Ssaddaaka eyaweebwa edda. Alina Ekkanisa eweereddwa. Alina Omubaka aweereddwa, Omwoyo Omutukuvu. Ali wano kati, Yakuwa-Yireh. Mukama yeewaddeyo Baibuli, Omwoyo, Ekkanisa, Obubaka, Omubaka. Era essaawa etuuse kati Ekkanisa okukwakkulibwa etwalibwe awaka. Yakuwa-Yireh ajja kugabirira engeri y'okuggya Ekkanisa eyo mu nsi muno, ng'akyusa emibiri gyaffe gino eminafu, n'agitwala waggulu mu Kitiibwa. Yakuwa-Yireh! Kinaatuukawo kitya mu mulembe nga guno gwe tubeeramu, ebintu bino okubaawo?

68 Billy, mutabani wange, wonna w'ali, nange, twali mu Buyindi gye buvuddeko awo. Era nakwata olupapula ... Bwe nna ku mmeeri, enkumi n'enkumi zaali ziyimiridde awo nga balina entuumu z'ebimuli ebiteekebwa mu bulago. Bwe twatuuka ku Taj Motel, baalina olupapula olwali lugalamidde awo, mu Lungereza. Era nalaba ekitundu ekinene mu kyo, nga kigamba nti, "Kiteekwa okuba akabonero nti musisi awedde." Ensonga yali etya? Kale, nga wabulayo ennaku nga ssatu oba nnya musisi omunene okubaawo nga bwe mwakisomako, obunyonyi bwonna obutono obwali bubeera mu njazi ...

Mu Buyindi, tebalina bbugwe nga bwe tulina mu California, Amerika. Bakola ebikomera byabwe mu njazi ze balonda. Era obunyonyi obutono buzimbamu ebisu byabwo. Bakola eminaala eminene, era ebinyonyi ne bizimbamu ebisu byazo. Era obunyonyi obutono bwonna, ng'ebula ennaku bbiri musisi ajje, bwabuuka okuva ku bisenge. Era mu budde obw'akawungeezi oba ... Mu ttuntu, ebbugumu bwe lyabanga libuguma, endiga n'ente zaayimiriranga wansi w'ekisiikirize kya bbugwe n'omunaala, okwekuuma omusana ogw'amaanyi.

Naye okumala ennaku bbiri, ente n'endiga tebyajjako ku kisenge. Zaayimirira wakati mu nnimiro buli emu ne yeegigama ku ginaayo, okubudaabudibwa. Awo musisi n'ajja, n'akankanya ekisenge ekyo ne kigwa wansi. Era awo obunyonyi obuto ne butandika okukomawo, ensolo okuva mu nnimiro. Kyali ki? Katonda y'omu eyali asobola okuyita endiga n'ente, n'ebinyonyi, mu lyato, yalaga nti ye Katonda y'omu leero asobola okuyita ebisolo bye okugenda.

69 Era bw'aba asobola okulungamya ensolo okuyita mu busimu bw'obutonde bw'azo, tekisingirawo ddala Kkanisa ya Katonda okuva ku bisenge bino ebinene n'ebiyiye by'amakanisa ebyakolebwa abantu. Babulooni egenda kugwa, ezimu ku nnaku zino. Yakuwa-Yireh yeewadde Ekifo eky'Okuwummuliramu kwo. Buuka okuva ku minaala gy'ensi!

Buuka ove ku ku masaamasa kwa Hollywood! Amakanisa gagezaako okubasekerera, okwaka. Enjiri temasaamasa. Hollywood emasaamasa; Enjiri eyakaayakana. Hollywood emasaamasa n'okwakirira.

Ekkanisa ennene emasaamasa n'ebyenjigiriza. Era Ekkanisa ya Katonda omulamu eyaka n'obwetoowaze n'obuwoomi, n'Omwoyo Omutukuvu. Waliwo enjawulo nnene wakati w'okumasaamasa n'okwakaayakana.

70 Ali wano kati. Yakuwa-Jireh Yeegabiridde. "Katonda asobola mu mayinja gano okuyimusiza Ibulayimu abaana." Singa amadiini tegajja Kukikkiriza, Katonda asobola okuleeta abaana be okuva ku nguudo, bamalaaya okuva mu biyumba by'abagenyi. Asobola okuyimusa ekintu kyonna ky'Ayagala. Naye Katonda bwaba nga yawadde Obubaka, waliwo omuntu awantu awamu ow'okubwaniriza. Yakuwa-Yireh! Mukama ajja kwefunira Obubaka. Mukama ajja kwefunira Omubaka. Mukama ajja kwefunira, mu ngeri Ye, obubonero eri Ekkanisa; obuteegatta, okuteeka amannya gammwe ku bitabo.

Tuwulira bingi nnyo leero ku kusalawo, okusalawo kungi nnyo. Kigasa ki okutuuma amayinja bw'oba tolinayo muzimbi wa mayinja okugatema n'okugabumbamu batabani ne bawala ba Katonda? Kigasa ki okuba n'ebibiina by'amaddiini ebinene ebizimbiddwa enkumi n'enkumi, bwe waba nga tewaliwo muntu yenna ayimiridde awo n'ekitala kya Katonda eky'obwogi obubiri okubabumba abajjemu abaana ba Katonda abannamaddala? Kisingako okubalekera ddala wabweru gye babadde. Amiina. Katonda (Ssi Mesodisiti, si nga Baputisiti, Bukatuliki), Katonda Yeewadde Akambe okubumbamu abaana ba Katonda, abaana ba Katonda. Amiina. Yakuwa-Yireh, "Mukama ajja Kwegabirira." Era Akikoze! Mukkirize, obeere mulamu.

Leka tukoteke emitwe gyaffe okumala akaseera.

71 Katonda ow'ekisa, Katonda omulamu emirembe gyonna, tusaasire kaakano, era otuwe ku kisa Kyo. Ffe tetusaanidde, Kitange, kubaako kintu kyonna kye Wanditukoledde. Naye tetwatula nti tusaanidde, wabula tuwuliriza buwuliriza mulanga gwokka oguva eri Katonda . Tusaba Kitange, otubumbe ekiro kino mu mayinja agajja okuja mu Yeekaalu ya Katonda, olw'okujja kwa Mukama waffe Yesu okunene mu Yeekaalu ye. Kituwe, Kitaffe. Ffe aboonoonyi tusonyiwe ensobi zaffe. Tubikkulire Ekigambo Kyo. Tulage Ekkubo ly'okutambuliramu. Tuyigirize Ayi Kitaffe Katonda. Katukifune. Era bwe kiba nga kikontana n'Ekigambo, tukimanyi nti musomesa mukyamu. Omwoyo Omutukuvu ye musomesa waffe. Yawandiika Ekigambo, era teyayigiriza kintu kirala okuggyako Ekigambo. Era tusaba nti Akyolese gye tuli ekiro kino, mu mutima gwaffe. Kituwe Katonda.

72 Kati nga tukotese mitwe gyaffe, n'okuzibiriza amaaso gaffe. Ekisa kya Katonda kituwummulireko, kwe kusaba kwange okw'obwetoowaze era okw'amazima. Kkiriza bukkiriza kati. Tobuusabuusa.

Waliwo omuntu yenna kizimbe, kye mmanyi nti waali, abasajja n'abakazi Abatamumanyi, abatakkirizangako Ssaddaaka Ye gye Yagabs, Mukama waffe Yesu, ng'Omulokozi wo? Nga Tomumanyi? Mu magezi g'obuntu oyinza okulowooza nti omumanyi. Naye omuntu tasobola kulaba Katonda okutuusa ng'azaaliddwa omulundi ogw'okubiri. Laba tekitegeeza nti ... Tolaba na maaso go; otunula n'amaaso go. Okulaba kwe "kutegeera." Okitunuulidde ddala kyennyini, n'ogamba nti, "Sikiraba," otegeeza nti "tokitegeera." Tolimanya kye twogerako okutuusa ng'ozaaliddwa omulundi ogw'okubiri. Nga tobangako na bumanyirivu obwo? Nga mukotese emitwe gyammwe kati, era nga muzibiriza amaaso gammwe, osobola okuwanika omukono ogwo, era ogambe nti, "Ow'oluganda Branham nzijjukira mu ssaala olwaleero. Nzikiriza nti tufuna Obubaka bwaffe obusembayo. Olunaku luseerera mangu lugwaawo. Era ndaba nti by'oyogedde mu Baibuli bituufu, 'kubanga nsomye Baibuli. Nzikiriza nti y'essaawa gye tulina okujjiramu kati. Era, ku lwange, nnyimiridde kati ku lwa Kristo?"

73 Katonda akuwe omukisa. Katonda akuwe omukisa. Katonda akuwe omukisa. Katonda akuwe omukisa. Katonda akuwe omukisa. Katonda akuwe omukisa ggwe. Kirungi. Waggulu mu kkalina, emikono! Yimusa buyimusa mukono gwo, ogambe nti, "Ku lwange, nga Yoswa bwe yagamba nti, 'Ku lwange n'ennyumba yange, tujja kuweereza Mukama.'" Kirungi, omuntu omulala? Nkyalinzeeko. Katonda akuwe omukisa emabega eyo. Ndaba omukono gwo. Katonda akuwe omukisa waggulu awo. Katonda akuwe omukisa. Akulaba. Waggulu eri mu kkalina, Katonda akuwe omukisa waggulu awo, ssebo; ekintu ekisinga obukulu ky'okoze mu bulamu bwo. Awo ku kkalina wakati, waliwo awanise omukono gwe munda eyo. Osanga sirabye mukono munda awo, kiyinza okuba... Omuntu omu waggulu mu makkati mu kkalina? Yimusa omukono gwo, era ogambe nti, "Ow'oluganda Branham, ku lwange, ndi ... Njagala kumuweereza. Ndi —ndi mwesimbu." Katonda akuwe omukisa. Katonda akuwe omukisa. Katonda awe omukisa omusajja omuto. Mu kkalina ku mukono gwa ddyo, waliwo omuntu awanise omukono gwe awo, era n'agamba nti, "Ow'oluganda Branham, nze, ku lwange, nkimanyi nti ekyo kituufu. Ndi ... Katonda simumanyi, naye njagala kumumanya. Njagala okukakasa. Ndaba sisobola kutwala mukisa. Siyinja kukomawo nate."

74 Omuti gye gwekotekera, gyegugwa, "Ekyawandiikibwa bwe kigamba. Togwa ku ludda lukyamu. Osobola okukitereeza obulungi ekiro kino. Jjukira, kasita waba nga waliwo Obutaggwaawo, era nga tebwatandika era tebuja kukoma, naye n'ofuuka ekitundu ku bwo, ojja kubonaabona oba ojja kubeera mu ssanyu. Omanyanya otya nti oagenda kubeera mulamu okutuusa lw'onootuuka awaka?"

Ogamba nti, "Ndi muto nnyo."

Naakafuna obubaka akaseera katono emabega. Omuwala omuto eri mu ssaza gye mbeera, yawabira mu kkubo ekyamu, n'atandika okufuuwa ssigala. Yali ategeezeddwa ebikwata ku Katonda, naye nga

tawuliriza. Emyaka kkumi na mukaaga, yali ava gy'ali ... nedda, emyaka kkumi na munaana, yali yakamala emisono gye ssiniya. Era yategeezebwa, okugezaako okukola ekituufu. Naye yatandika n'ekibinja ekikyamu, okumyansa kwamutta amangu ago.

75 Gye buvuddeko awo, omusajja omu omuddugavu mu Shreveport yayimirira n'agamba nti, "Tewali kintu kiyitibwa Katonda." Yavoola buvoozi, n'agamba nti, "Si kirala wabula ekibinja ky'abatukuvu beevulungula." Akamyanso kaamusse. Baamutwala mu ntaana. Awo bwe baali baziika omusajja oyo, ekire ekitono ne kivaayo, akamyanso ne kakuba essanduuko omulambo ne guvaayo mu ssanduuke.

Yakuwa Katonda asunguwala. Nkimanyi nti Katonda mulungi, naye Katonda wa musango, era. Akyatunula, Akimanyi.

Bw'oba tolina Katonda, yimusa omukono gwo, gamba nti, "Nzijukira, Ow'oluganda Branham, nga bw'osaba." Katonda akuwe omukisa nnyabo. Katonda akuwe omukisa mwana. Ekya kituufu, jjangu mu maaso ddala. Katonda akuwe omukisa. Ekya kituufu omuvubuka. Katonda akuwe omukisa emabega eyo. Ssaba Katonda Omuyinza w'Ebintu Byonna.

76 Kitaffe ow'omu Ggulu, kati Obalabye. Omanyi waliwo emikono amakumi abiri oba amakumi asatu egyabadde waggulu, nti gyagala Ggwe Omulokozi waabwe. Katonda, kino kituwe kaakano. Mbawa Ekigambo kino. Wagamba, Ggwe kennyini, "Awulira Ekigambo kyange." Nkoze ekisinga obulungi kye nnali nsobola nakyo, Mukama. "Oyo awulira ebigambo byange n'akkiriza oyo eyantuma, alina Obulamu obutaggwaawo, era tajja mu musango, wabula yava mu kufa n'agenda mu Bulamu." Nga kintu kya kitalo, okukirowooza ekya! Bwegiba nga egyo gibadde mitima myesimbu egibadde emabega w'emikono egyo, nga gikitegeezezza, waliwo ekintu ekituuseewo. Kati Wagamba nti, "Oyo alinjatula mu maaso g'abantu, Nange ndimwatula mu maaso ga Kitange ne Bamalayika abatukuvu." Bamanye nti Ggwe oli wano, Mukama. Nsaba Okikkirize. Tuwulire. Ffe tuli baweereza bo, Mukama. Mu Linya Iya Yesu.

77 Kirungi, yimusa omutwe gwo. Okkiririza nti Ye Yakuwa-Jireh? [Ekibiina kigamba nti, "Amiina." — Omuk.] Okkiriza nti tuli mu nnaku nga bwe kyali mu biseera bya Lutti? ["Amiina."] Ennaku za Nuuwa? ["Amiina."] Jjukira Obubaka obwasembayo?

Waliwo omuntu wano omulundi gwe ogusoose? Yimusa omukono gwo. Bangi! Ntebereza Ow'oluganda Borders abannyonyodde. Olukunjaana mwali muluwuliddeko, biki ebibeerawo. Yimusa emikono gyo, bw'oba wali oluwuliddeko; bw'oba tokirabangako, wakiwulira buwulizi. Kaale. Kati ndi mugenyi eri abantu ba wano.

78 Abamu ku mmwe abantu abalina ebizibu, musabe Katonda, era mugambe nti, "Katonda, nsaasira, ndi mulwadde. Ow'oluganda Branham tanmanyi. Naye mpulira nti Oli Kabona Asinga Obukulu ayinza okukwatibwako okuwulira kw'obunafu bwaffe." Bameka abakimanyi ekya? [Ekibiina kigamba nti, "Amiina." — Omuk.] "Era y'omu jjo, leero, n'emirembe gyonna." Ekya okimanyi? ["Amiina."] Kale, kati, bw'aba nga ye Kabona Omukulu y'omu, yandikoze atya singa omukwatako? Mu ngeri y'emu gye yakola ng'omukazi alina ensonga y'omusaayi Amukuteko. Yakyuka n'amutegeeza ensonga y'omusaayi gwe, n'amugamba nti okukkiriza kwe kwamuwonyezza. Ekya kituufu? Ye y'omu ekiro kino, bw'oba osobola okumukkiriza mu ngeri y'emu nga bwe yali mu kiseera ekya. Omukkiriza bw'otyo?

Kati tunula oludda luno, gyendi. Nga Peetero ne Yokaana bwe baagamba ku Mulyango Omulungi nti, "Tutunuulire." Ekya tekyali "batunuulire" ku kintu kyonna, wabula, "laba bye baali boogera."

79 Ka tutandike okuva wano awantu awamu. Tunuulira oludda luno, era okkirize n'omutima gwo gwonna. Era ogambe nti, "Mukama Yesu, nkukkiriza, era njagala okukwata ku kyambalo Kyo. Yogera n'Ow'oluganda Branham, era omutegeeze ekizibu kyange kye kiri. Nja kukukkiriza bw'onookikola." Onnaakikola?

Kaakati kiikino ekintu ky'okwentantala. Nnyinza ntya okwentantala okukola ekintu ekiringa ekya? Mbeera ndiko ekikyamu okukola okusomoza okulinga okwo. Nnali nsoomoozezaako ekya mu maaso g'ekitundu ky'akakadde k'abantu, lumu, nga n'okusobola ssisobola kwogera lulimi lwabwe. Naye Teyanvaamu. Lwaaki? Yakisuubiza! Zino ze nnaku ez'enkomerero, era kino yakisuubiza, era wano we kiri.

80 Nkimanyi mikwano, mubadde na bingi ebibalumiza. Mubadde n'okugeegeenya kw'omubiri kungi nnyo. Naye ka mbagambeyo kintu kimu kyokka, si lwa kuganyula kwange, wabula ku lw'okuganyulwa mmwe. Bulijjo ekya bakifuna. Naye Katonda tabangako na babiri ku nsi mu kiseera kye kimu, takikolangako. Naye jjukira nti waliwo okugeegeenya kungi nnyo, wabula waliwo Katonda owannamaddala. Waliwo Omwoyo Omutukuvu owannamaddala. Waliwo Obubaka bwa Katonda obw'amazima, era obwo bwe bunu nti Yesu Kristo yafiirira aboononyi, n'azuukira mu bafu, era akomyewo emabega mu Muntu w'Omwoyo Omutukuvu, okukola omulimu gwe gumu mu Kkanisa gwe yakola bwe yali wano.

81 Kati, Ekigambo kya Katonda tekikyogera kino? Mu Abebbulaniya, Kyagamba, essuula ey'okuna, Baibuli yagamba nti, "Ekigambo kya Katonda kyogi, kya maanyi okusinga ekitala eky'obwogi obubiri, okusala ne kyawulamu," ekya kisala byombi okujja n'okugenda, "n'okutuuka mu busomyo bw'eggumba, era Kyawula ebirowoozo n'ebigendererwa by'omutima." Ekya kituufu?



Eyo y'ensonga lwaki Yesu yali asobola okuyimirira mu maaso g'ekibiina n'ababuulira. Awo Abafalisaayo ne bagamba nti, "Oyo Beeruzebuli." Yesu n'akyuka. Tebaakyogera mu ddooboozi ery'omwanguka, naye Yabagamba. Eyo y'ensonga lwaki Asobola okubuulira omukazi ku nsonga ye ey'omusaayi. Yagamba omukazo nti abadde n'abasajja; era bwe yakikola ekyo, awo n'Agamba nti. "Lwaki, ekyo ke kabonero ka Masiya."

Olaba kati okudda, okulabika kwa Masiya mu bantu. Oyo Mwoyo Omutukuvu ng'ateekateeka Ekkanisa.

82 Njagala okyuse omutwe gwo. Olaba omukazi oyo omutono atuuse awo, ng'asitudde emabega waggulu, atudde wansi wano? Olaba Ekitangaala ekyo waggulu we? Mulwadde wa ppuleesa. Ekyo kituufu. Ayambadde olugoye lwa bbuulu, alinga ayambadde galubindi ku maaso ge. Okumala akatikitiki akayiseewo, oba bubiri, abadde awulira ebbugumu eryewuunyisa ddala okumwetooloola. Ekyo kituufu. Kati puleesa yo, ebadde ekutawaanya ennyo, ekuvuddeko. Okikkiriza? Yimusa omukono gwo bw'oba okola bw'oty.

Kiki kyakuteko? Kabona Asinga Obukulu. Kati genda, buuza omukyala. Ssimulabangako mu bulamu bwange. Simanyi kintu wadde ekimu ku mukazi oyo; naye, ekyo kituufu. Mbadde ntunuulira Ekitangaala ekyo nga bwe kitambula okuyita mu kibiina kino, ne kigenda ddala ne kikomawo, Ekitangaala ekimasaamasa.

83 Okkiriza? Endwadde z'enkizi, obuzibu mu kibumba, ebizibu, obusimu, obunafu. Ekyo kituufu. Ggwe toli waawano. Akafo akatono akayitibwa West Point. Ekyo kituufu. Okkiririza nti Katonda asobola okuntegeeza ky'oli? Muky. Hardwick. Ekyo kituufu. Ekyo bwe kiba kituufu, yimirira ku bigere. Kikulese. Yesu Kristo akuwonya.

Okkiriza? [Ekibiina kigamba nti, "Yee." — Omuk.] Abantu batunuulidde emabega, olw'ekyo. Wano omukyala atudde wano wennyini. Laba, Ekitangaala ekyo kikyamulemeddeko. Ekyo tokiraba? Kiikino wano. Weetegerese.

Kiikyo awo, ku musajja oyo atudde awo antunuulidde. Magumba. Akkirize n'omutima gwe gwonna, Katonda ajja kukuwonya ssebo naawe. Tuli bagwira buli omu eri munne., naye ssi eri Katonda.

84 Omukyala ono wano emabega, abonaabona n'omutwe. Katonda, tomuleka kukisubwa. Ayi Katonda, nkwegayiridde. Miss Morton, kkiriza Mukama waffe Yesu Kristo. Akuwonyeza omutwe ogwo. Olaba, Tamulese kuyitawo. Njagala okubaako kye nkubuuza. Ekiro ekikeesezza olwaleero bwe nnayogedde ku muntu mu kizimbe ku kulumwa omutwe gwe, wabadde n'embeera etategeerekeka, era nga weebuza oba oyo ggwe, oba nedda. Ekyo si kituufu? Yimusa omukono gwo. Sisoma birowoozo byo, naye nkubuulira by'obadde olowooza. Ekyo kituufu. Leero Abadde ayagala kukakasa nti yabadde ggwe. Kijja kukuleka kati, okukkiriza kwo kukuwonyeza. Aleluya.

85 Tunuulira omukyala ono atudde wano, ayambadde ekiteeteeyi eky'ebikuubo. Olina kaadi y'okusabirwa, nnyabo? Kebera ebibyo. Okkiririza nti okukutuka kujja kukuleka, ojja kutereera? Bwe kiri? Yimusa omukono gwo bwe kiba ng'ekyo kye kikutawaanya. Kaale. Kkiriza n'omutima gwo gwonna owonyezebwe. Laba kiki ekinkwatako?

Omukyala oyo emabega we ddala, awanise omukono gwe, ng'alina akatono ... nedda, owookubiri emabega awo, ng'ayambadde akagoye akatono akalabika nga ka kiragala, ng'abonaabona n'obuzibu bw'omutima. Yee. Okkiririza nti Katonda ajja kukuwonya? Ekyo kirungi, nnyo ddala. Ajja singa okikkiriza bukkiriza.

Omukyala, owokubiri okuva gyoli, Mukyala Dillman awo. Bwoba okkiririza nti Katonda ajja kukuwonya obuzibu obwo obw'olubuto. Mukyala Dillman, kkiriza, era ojja kuba n'olubuto lwo. Kye lubuto lwa kiwugwe. Kibadde naawe okumala ebbanga ddene naddala okuva ku kusulumba kibadde naawe. Obadde n'ebintu bingi ebikuleetera obuzibu bungu, naye kati byonna biwedde. Ebintu ebyo bwe biba bituufu, wuuba buwuubi mukono gwo eri abantu, basobole okulaba. Bwemba ndi mugenyi gy'oli, sigala ng'owuuba omukono gwo. Yesu Kristo akuwonye.

86 Okkiriza? [Ekibiina kigamba nti, "Amiina." — Omuk.] Kiki ekyo? Yakuwa-Yireh, Mukama yeegabirira Ssaddaaka! Kati ekibiina kyonna kitandise okulabika ng'ekitalabika bulungi gyendi. Yakuwa-Jireh awaddeyo Ssaddaaka eri buli omu ku mmwe. Okikkiriza?

Kati ggwe wano eyawanise omukono gwo, jjangu waggulu wano oyimirire wano eddakiika emu yokka. Ojja kukikola? Yakuwa-Yireh awaddeyo Ssaddaaka. Wayimusizza omukono gwo, nti okikkiriza. Olabye wano, era omanyi. Tekisoboka ... kirina amakulu! Laba abantu bano, bameka abayitiddwa. Simanyi kati. oboolyawo musanvu, munaana oba kkumi, kyonna kye kiri, abayitiddwa. Kiyinza okumala gagenda mu maaso. Naye nga nkyalina amaanyi, njagala ojje, okkirize Kristo ng'Omulozoki wo. Onoosituka kati n'ojja, nga bwe tuyimba nti, "Nzija, Mukama, nzija kati gy'oli?" Onoositula kati n'ojja waggulu wano, ggwe eyawanise omukono gwo akaseera katono emabega? Era muyimirire wano okwetooloola wolutaali, era

olage nti tokwatibwa Kristo nsonyi. Oli mu Maaso ge. Jjangu kati, era okakase abantu nti ddala obadde okitegeeza, nti oyagala Katonda akujjukire, era omukkirizza ng'Omulokozi wo. Jjangu waggulu kati, nga ffenna tuyimiridde ne tuyimba.

Nzija, Mukama!  
Nzijja kati gy'oli!  
Nnaaza, ontukuze mu Musaayi  
Ogwakulukuta okuva e Kaluvaario.

Jangu vaayo katii, jangu wansi wano. Tugenda kusaba. Tojja kuddamu ku Musemberera kumpi nnyo ng'ogenze.

Nzijja kati gy'Oli.  
Nnaaza, ontukuze!

87 Jjangu wansi ddala okuva ku mu kkalina. Ekyo kituufu. Jjangu ddala wansi, yimirira wano wennyini. Beera nga ... Kati, Yagamba nti, "Bwe munaanjatula mu maaso g'abantu, naye ndimwatula mu maaso ga Kitange. Naye bw'Onkwatibwa ensonyi, Ndi kukwatibwa ensonyi," jjukira, bBaibuli, okuva mu Lubereberye okutuuka mu Kubikkulirwa. Jjangu kati, abato n'abakulu. Ojja kujja? Mmemba wa Kkanisa, oba nedda, jangu kaakano. Onnaakikola? Kkiriza Kristo ng'oli mu maaso ge.

Nzija, Mukama!  
Nzijja kati gy'Oli!  
Nnaaza, ontukuze mu Musaayi  
Ogwakulukuta okuva e Kaluvaaliyo!

Gwe sigala ng'ogenda mu maaso, n'okuyimba. [Ow'oluganda Branham atandika okuwuuna, "Nzija, Mukama." — Omuk.]

88 Wuliriza. Munzikiririza nti ndi nnabbi We? Ekyo mbadde sikyatulangako. Nzikiriza nti nnyimiridde n'abantu abategeera era abamanyi kye ngezaako okubamanyisa. Waliwo abantu munda wano abeeyita Abakristaayo, balina okuba wano wennyini. Jjangu, si bwe kiri? Ka nkubuuze, oli kikola otya? Temulifuna kabonero kalala. Ky'ekino. BWATI BW'AYOGEDDE MUKAMA. Nnabbi wa Katonda yandiyogedde ekigambo ng'ekyo singa si kituufu? Mulimukufuna kabonero kammwe akasingayo obukulu, era akabonero kammwe akasembayo, ng'okulabika kwa Kristo tekunnabaawo. Jangu! Ensonga lwaki njogera ebintu bino, kino sikyogerangako mu lukiiko olulala lwonna, mpulira nti wano wennyini waliwo omukisa wano okubaako ekintu ekibaawo. Y'ensonga lwaki njogera mu ngeri gye ndimu. Nzikiriza nti mutegeera. Teweetaaga kugenda buli wamu, okubaako ekiddiiniddiini ky'okolawo, ng'ogamba nti, "Ow'oluganda Branham," oba ekintu ekiringa ekyo. Otegedde kye njogerako. Jjangu kati. Jangu. Ka nkumatize, mu Linnya Iya Kristo. Jangu!

89 Mmwe abatamanyi wa w'oyimiridde, nga tokikakasa, kiri mu magezi go ga buntu kyokka, oba ekintu ekiringa okukyamuka; wakaaba, osinze, oba waliko n'okukyamuukirira okw'ekika ekimu. Togezaako Kugendayo ku ekyo. Jjukira, nkugamba mu Linya Iya Mukama, nti wabula, wa bula mu nnaku, kyokka tokimanyi. Totwala mukisa, mukwano. Nze nsiga nsigo yokka, n'okusika akatimba. Katonda atwala okweyongerera. Simanyi.

Tukoteke emitwe gyaffe, tulabe oba Tajja kungamba. [Mwannyinaffe ayogera mu lulimi olulala, n'oluvannyuma n'awa enzivuunula — Ed.] Ekyo okiwulira.

Nzijja kati gy'Oli! (Noonya omutima gwo)  
Nnaaza, ontukuze mu ...

90 Mmemba w'Ekkkanisa. Singa mbadde nnyimiridde awo, nga nnafunu bummanyirivu bwakwegatta ku kkanisa bwokka ...?... Nnandize mu maaso wano mu bwangu ddala nga bwe nsobola.

Jjukira, Omwoyo okuwa obujulizi nti tuli ku nkomerero. Ssaayansi yagamba nti, "Eddakiika ebulayo ssatu okutuuka mu ttumbi." Obubaka ne Baibuli bigamba nti, "Kiikino wano, ekintu ekisembayo!" Okuzuukira kukoma. Oluggi luggalwawo. Ojja kuba wabweru, ng'okonkona, nga tosobola kuyingira. Jangu!

Katonda akuwe omukisa, omuwala omuto. Kati, ekyo wakiraba?  
Nzija, Mukama!  
Okujja kati ...

Katonda akuwe omukisa. Ekyo kituufu ssebo. Eyo y'engeri, jjangu wansi ddala okuva mu kkalina. Mujje nga muyita mu nnyiriri.

91 Wano we wali Ekigambo, obujulizi buubuno. Omwoyo wuuyo, omujulizi wuuyo. Era wano abantu bajja, okulaga nti tuli wano mu kiseera eky'enkomerero.

Nzija, Mukama!  
Nzijja kati gy'Oli!  
Nnaaza, ontukuze mu Musaayi

Ogwo ogukulukuta okuva ku Kalvario.  
Nzija, Mukama!

Alinda, okubaako baayita okuyingira. "Tayagala muntu yenna azikirire; bonna basobole okwenenya."  
"Jjangu," bwe yagamba, "Gyendi."

Bw'oba obadde n'okubuusabuusa mu birowoozo byo. Olina okuba omukakafu, mikwano. Okukkiriza kutuukiridde.

... okuva ku Kalvario!  
... Mukama!  
Okujja kati ku ...

Abamu, abantu ataano ku nsanvu mu bataano baakunjaana okwetooloola. Kati mujje. Leka abasigadde abalina okujja. Kanjira nnindako katono kati. Kubanga, enkya tugenda kubeera ku kuwonyezebwa kw'obwa Katonda. Omwoyo Omutukuvu yayogedde nange, akaseera katono emabega, "Toyita layini eyo. Yita abaagala okulokoka." Nja kumugondera era nkole nga bw'angamba. Nze mmanyi okusinga obutakikola.

Nzija kati gy'Oli!  
Nnaaza, ontukuze mu Musaayi  
Ogwakulukuta okuva e Kaluvaaliyo.

Nga tukotese emitwe gyaffe kati, nga bwe tulindirira.

92 Ayi Katonda, leka Omwoyo Omutukuvu ajje ayingire mu bano. Abo abaagala okujja mu maaso ku kyoto, nga bakulembera abantu kati okutuuka ku mukisa. Era — era Mukama Katonda akituwe. Omwoyo wa Katonda, ng'ayogera.

Yingira munda, yingira munda. Musemberere kumpi kati, buli omu. "Buli mmeeme, enyigirizibwa ekibi, waliwo okusaasira eri Mukama." Jjangu kati. "Jangu wansi w'amataba agalongoosa, ogibweko amabala g'omusango gonna. Waliwo Ensulo ejjudde Omusaayi, oguggyiddwa mu misuwa gya Imanueri." Mu buwombeefu.

93 Owulira emirembe egyo mu lukunjaana kati? Kiki? Kwe kufa, kufa eri aboononyi. Kati bakozi bannaabwe batambula wamu nabo okwetooloola kati. Okwo kufa, abantu bano bafa. Bayibuli zifulumye, zinnyonnyola. Okufa kugenda mu maaso okwetooloola ekyoto, era Obulamu obupya bujja kujja oluvannyuma lw'okufa.

Waliwo Ensulo ejjudde Omusaayi, .  
Ogugibwa mu ...

Oh, nga ojja kwagala okuwulira ekyo olunaku lumu, olunaku entunansi zo lwe zirirekeraawo okukuba!  
Awo aboononyi ne babbira wansi w'amataba ago, .  
Baggibwako amabala g'omusango gonna.  
Baggibwako amabala g'omusaayi gonna.

Ekyo ky'ekyo, mwana gwe omuto. Awe omutima gwo omukisa. Ekyo ky'Abadde alinze.  
Awo aboononyi ne babbira wansi w'amataba ago, .  
Baggibwako amabala g'omusango gonna.

94 Kati Abakristaayo abalagirwa, bagende waggulu nga bwe tuyimba ekitundu ekiddako. "Omubbi eyali agenda okufa yasanyuka okulaba Ensulo eyo mu kiseera kye; awo nange, wadde nnali mubi nnyo nga bwe nnali, yanaaza ebibi byange byonna n'abijjawo ." Leka abantu abalagirira kati basembere kumpi ddala. Mmwe abatalina kubatizibwa kwa Mwoyo Mutukuvu, musembere kumpi kati. Tomanyi Katonda ky'ayinza kukola kati mu ddakiika eno. Mugende waggulu kati, nga bwe tuyimba ekitundu ekiddako kati.

Omubbi eyali agenda okufa yasanyuka ... (Ekigambo ekilabisiddwa) .  
Ensulo mu kiseera kye;

Oh, ekyo kirungi, tambula oveeyo kati. Jjangu ng'Amazzi gasiikuddwa.  
... Nze, era omubi nga ye, .  
Nnaaza ebibi byange byonna.  
Nnaaza ogyewo ebibi byange byonna, .  
Nnaaza ogyeewo ebibi byange byonna;

Ky'ekyo, abakozi. Jjangu ddala oyingire. Abo bonna mujje waggulu kati mu Mazzi agasiikuddwa Jjangu ddala waggulu

... omubi nga ye, .  
Nnaaza ogyeewo ekibi kyange kyonna.

95 Kati ggwe ayagala okusaba, sembera kumpi kati weetegeke. Tugenda kukkiriza nti Katonda agenda, kutegeera kino. Alina okukikola! Katonda yennyini asobola okutegeera ekirowoozo ky'omutima! Jjukira nti

ekyo Yesu yakikola omulundi gumu gwokka mu kibuga. Naye N'agamba nti, "Mujja kukola, ebisinga bino." Laba, yakakasa nti Ebyawandiikibwa bye bituufu! Tambula oyingire kati. Ffenna tusabire kati abantu bano abali wano. Buli muntu yenna amanyi okusaba. Abakristaayo bameka abazaalibwa omulundi ogw'okubiri abali mu kizimbe? Yimusa omukono gwo. Kati buli omu tuwanike emikono gyaffe twebaza ku lw'abantu bano.

96 Kitaffe ow'omu Ggulu, tukuwaayo okwebaza olw'abantu bano. Babo. Bazze, okukola okwatula. Bajja kufa eri ekyo kye bali n'ekibi. Bagenda kuddayo, nga bitonde ebipya mu Kristo.

Sitaani, olutalo oluwanguddwa! Katonda ye Yakuwa-Yireh! Mukama awaddeyo Ssaddaaka, awaddeyo abantu, awaddeyo omulanga gw'ekyoto, awadde Obubaka, awadde ekisa. Era sitaani awanguddwa olutalo, mu Linya lya Yesu Kristo yafiirwa olutalo!



[www.messagehub.info](http://www.messagehub.info)

Byabuulirwa  
**William Marrion Branham**  
"...mu nnaku z'eddoboozi..." Kub. 10:7